

八十四

嘉靖

十六年 至 廿二年





四十八

嘉靖廿三年至廿七年八



國權

鹽官談遷孺木著

己亥嘉靖十八年

正月庚午朔

上御奉天殿受朝

朱文肅史概  
實錄云御殿

工以喪不視朝

停南京後湖清冊御史主事復命其莞冊給事中主事復命

如舊

安南莫福海嗣以方瀛死

辛未諭輔臣考訂禮記檀弓等篇禮儀制度仍圖注並緝祭

葬全儀備覽



定梓宮南祔顯陵

乙亥錄延綏寧夏斬獲功各賚金幣

丙子工部郎中張鏜太監張綱督治南祔行殿

巡撫湖廣右副都御史顧璘遷吏部右侍郎仍留任督顯陵

工改工部右侍郎兼右副都御史

辛巳改作隆慶殿於舊邸

丁亥南京工部右侍郎韓荆卒

己丑旌蜀王讓栩賢行

乙未南京太常寺卿王暉為右副都御史巡撫江西

戶部右侍郎高公韶賚帑金二十萬分給畿部河南湖廣備

餉定錦衣衛官百二十人十旗校八千人

榮王祐樞薨謚莊王至孝尤肅宮禁

徐學謨曰榮莊王與獻皇帝為親兄弟又同日封楚暨

肅皇帝嗣位國體張甚亦親屬之勢宜爾也隆慶間遠

庶人坐法諸藩亦稍、貶捐獨其國執私如故庶幾能率

祖云

二廟子朔立 皇太子載壑裕王載壘景王載圳午刻五色雲

見



辛丑詔赦天下

工部右侍郎宋景為左侍郎

壬寅封代府鎮國將軍仕垓襄垣王初襄垣王仕壻以淫暴  
弘治間罪除不得繼蓋仕垓子成鏐營之也仕垓卒未拜命  
子成鏐坐冒封除

起前大學士翟鑿改兵部尚書兼右都御史充行邊使兵部

尚書毛伯溫總督宣大山西三關軍務左侍郎樊繼祖提督

薊州山海關邊備

甲辰作御寶十一

奉天承運大明天子寶天子信寶天子行寶皇帝行寶大明信寶皇帝受命之寶巡

狩天下之寶垂訓之寶命德之寶討罪安民之寶初正萬邦之寶

乙巳前少師兼太子太師吏部尚書華蓋殿大學士張孚敬

卒孚敬字茂恭永嘉人正德辛巳進士年四十七議大禮稱

旨自南京刑部主事內召拜翰林學士後進廟議進詹事兼

學士明年進兵部右侍郎轉左又兼學士訊大獄進禮部尚

書直閣起孤生發憤抗朝議受知主上得柄用攬才俊謝

苞苴歷相所創革典制非妄敢任事頗驕恣逞喜怒不復反

年六十五贈太師謚文忠

王世貞曰公相而中涓之勢詘至於今垂五十年士大夫



得信其志於朝而黔首得安寢於里者誰力也夫禮失而  
求之心而已矣後主所是為今未有悖也考而不已則宗  
宗則入太廟入太廟則有祗公在難乎其免矣王子曰凡  
言禮而貴者其人才皆磊、即不言禮亦有以目見者哉  
李維楨曰繼公而興閣臣有江陵與公姓同謚同元輔相  
少主同銳意任事同公得君誠專為衆所側目裡杌不安  
身後七十餘年名乃愈彰其以危身奉主稱忠與江陵又  
同江陵沒而遘禍近漸有訟言其功者人情薄公論晦較  
嘉靖時懸殊要之兩張文忠易地則皆然也

李維高嘗謂諸強雖  
奸桀驚悍難靖易

亂然固家用兵能保其勤之必勝而不能保

繼者之不擾能保其征之必克而不能保撫者之不乖此  
所以暴師旅竭府庫不足以貽數十年之安也然則選將  
帥於亂作之後孰若慎守臣於亡事之日哉至田汝成曰  
藤峽府江為寇雖同治之則異治藤峽宜速治府江宜緩  
蓋以藤峽可夾攻而賊無所奔潰府江遐邈而人難得其  
要領也汝成親涉其地故其說為有據此又用兵者之所  
當知云

尹耕曰蓋嘗讀漢忠武傳至其南征未嘗不反覆致意也  
夫漢中暮年所喪突將屯長才數千人孔明形之表奏痛



惜無已而孟獲點虜乃七縱擒之夫環甲厲兵與之從事  
七縱豈不遺鏃孔明不之恤者馬謖所謂服其心也藤峽  
之役如張君言以少兵進又一孫繼武矣夫諸程敢於寇  
堡殘殺戍兵略不少忌者承永通養養之後以我軍不能  
度險輕留故事亦鮮大舉耳老嫗育驕子小啼索杖大啼  
薦菓欲其無玩難矣而張君守之不亦悞哉蔡公濟經以  
權成謀於斷原野簡書好合符節諸軍並進首尾自焚捕  
斬既多撫集尤衆威震而刑不濫矣  
三月已朔祭河而渡過漿澤遣祭祀信祠

乙未賜致一真人禮部尚書邵元節祭葬贈少師謚文康榮  
靖命夏言志墓許讚作神道碑元節龍虎山道士嘉靖初符  
錄見幸

王世貞曰方士之有謚也自世宗始也謚而四字溢矣  
而使方士得之則益淫也  
談遷曰長生之說幻之為冲舉永之為延年邵元節  
上久矣其見之不免又何稱焉世宗猶無悛於心尊陶  
仲文而甚之兼公孤裂茅土將海上怪誕之派自有攝入  
處即生死了不足異耶



丁酉榮王載境請朝於裕州以過反止之徧諭諸王  
逮河南叅政張思聰副使胡廷祿陳迨南陽知府王維垣削  
籍

四期戊朔至鄭州伊王討淳來朝

己亥次滎澤發帑金二萬賑饑民時道上啼號相續

辛丑署詹事府事禮部尚書溫仁和迎駕

癸卯諭行在禮部純德山聖靈晏悅道上行宮勿復治時

上意顯陵母動而塋 先后大峪山也

戊申至宜城監察御史謝少南請慶都縣脩堯母祠致祭從

之曰帝堯父母異陵可徵合塋非古也改少南左春坊左司

直兼翰林檢討唐縣東城外有丹朱塚或堯塋母在慶都地相近撫按相度疑未決

沈懋學曰堯母墓自史記地志及水經諸書皆無紀述惟

羅泌謂塋雷澤亦不著所出據所經見者後漢堯母碑合

歐陽氏金石錄其記其文則慶都乃在咸陽所云欲入莫

知名曰靈臺上立黃屋堯所奉祠處也雷澤者漢志注中

本在城陽今曹州孟子注舜封丹朱於白鎮西三里有丹

朱陵今注跡無之疑趙岐所傳也元和志丹朱墓唐縣東

一里寰宇志塚在永庭東二里水經注成陽有丹朱塚其



水南經蒼梧之山丹朱塋於陰則丹朱之墓古亦未明要  
之朱初封丹繼改封唐其卒而塋唐或有之皆難考信乃  
欲以証堯母之墓甚不相蒙矣蓋堯之初則在陶爾雅云  
載成為陶是濟陰也亦今曹州繼封於唐在絳州翼城西  
二里括地志定州唐縣乃堯後所封在夏后氏之日此何  
與乎杜佑通典不深考堯之始封本在雷澤繼封本今蒲  
州其實非慶都且慶都本名望都山一名堯山史記稱堯  
游望都今地里通釋詳之因山得名常時名縣未必因於  
堯母烏得妄比而同之乎

辛酉御奉天殿受賀

壬戌湖廣災免田租有差

癸亥金星晝見

甲子 上發京師至沙河抵天壽山

乙丑 上祭長陵餘遣祭

丙寅諭禮部尚書嚴嵩曰大峪地勢空連不如純德山完美  
也定 母后南祔即日還京

五戊辰朔閣擬宮寮屠應竣華祭胡經薛儵胡守中史際張衍  
慶溫仁和李廷相曹宗黃易白悅臬甫濤俱被劾衍慶坐行



官灾削籍悅洵謫李廷相黃易致仕吏部擬南京禮部尚書  
霍韜改禮部進太子少保署詹事府兵部尚書毛伯溫為太  
子賓客工部右侍郎兼右副都御史顧璘為詹事府丞南京  
禮部右侍郎呂柟改禮部兼詹事府少詹事南京吏部考功  
郎中鄒守益江西提學副使徐階並改司經局洗馬兼翰林  
院侍讀吏部考功員外郎任瀚為左春坊左司直南京吏部  
文選郎中張寅前考功郎中薛蕙為右春坊右司直兼翰林  
檢討兵科給事中楊士雲御史周鈇為左右清紀郎兼侍書  
前兵部武庫主事趙時春改編脩兼校書從之罷璘柟士雲

蕙令再推

己巳大學士夏言進居守勅稿緩切責之奪所賜手勅先後  
四百五道銀章一革勲階勒致仕

前禮部左侍郎黃綰趨召請闕防節制雲貴兩廣許之并考  
訂安南沿革與加兵勝敗又請科道部屬偕往下所司

辛未應天府尹袁瀆為右副都御史

固原州隕霜殺禾

逮浙江布政司右叅議曾存仁指揮孫榮下法司時中官崔  
成等開礦觀海衛應之緩



壬申浙江按察使趙錦為右僉都御史巡撫延綏  
慶都安肅河間大雨雹積五寸傷人畜

癸酉增寧夏治餉郎中

甲戌遂安伯陳鏞奉天妃經奠獻駙馬都尉崔元護梓宮  
復襄府棗陽王祐槐爵

南京兵部尚書王軌年七十四乞休跡稱享年若干非告君  
語削籍旋復冠帶家居

總理河道右副都御史朱蒙卒蒙字公岳沙河人正德甲戌  
進士授御史出守東昌歷今官性清峻服官三十年攻苦食

淡如一日

內官監左監丞閻綬錦衣衛指揮使趙俊整治梓宮馳道瀆  
貨帖後巡按監察御史劉士遠劾之 上逮綬訊治

乙亥定 列聖忌祭初行禮奉先殿 上非之定 高皇帝

后如舊 列聖奉主永孝殿祭訖還主

免大名廣平牧地銀

丙子起戶部尚書梁材禮部左侍郎署通政司陳經原秩  
兵科給事中張守約削籍守約劾扈駕參將任鳳趙卿 上  
廉得守約啣任鳳不避道又每程取逸先行故斥



荆州左衛改顯陵衛立興都留守司

丁丑巡撫陝西右副都御史任璐為戶部左侍郎

致仕少保禮部尚書夏言復少傅兼太子太傅禮部尚書武

英殿大學士還任

戊寅巡撫延綏右僉都御史張珩為右副都御史提督操江

已卯以星變脩省畫撤鎮守內臣

虜寇遠東開原

辛巳趙起時春翰林院編修兼司經局校書

壬午大理寺卿胡岳卒岳華亭人  
甲戌進士以巡撫江

西左副都御史內遷方還家未赴

甲申慈孝獻皇后梓宮南祔翊國公郭勛大學士夏言護

行御史王行連鑛監視

乙酉諭禮部暫免早朝

己丑立聖諭碑於承天名其樓城顯親達孝之城

溫縣產麟鄭王厚烷以聞賜綺錦

六月酉朔雷震奉先殿左吻燬皇城北鼓樓召夏言入視殊緩

切責之

壬寅金華各縣大雨水



癸卯命 東宮啟事如永樂初

前通州同知豐坊上雅言一章紀卿雲也

刑部尚書楊志學戶刑工部侍郎高公韶屠僑周叙右副都御史党以平大理寺少卿錢學禮俱雷變自陳許致仕

丁未永城知縣劉瑤上瑞麥一莖七穗

湯陰大雨雹

庚戌南京吏部尚書湛若水改南京兵部尚書

山西左布政使陳講為右副都御史提督雁門等關兼巡撫山西

辛亥齊南巡供事効勞諸臣河南湖廣巡撫胡縉宗陸杰等

金幣

乙卯協律贊禮郎師宗記黃靖玄等為太常寺丞 道士

丙辰右都御史周期雍為刑部尚書

丁巳增宣府口北道叅議

右副都御史王杲為戶部右侍郎

戊午給邊軍耕地

己未覈蘓松常鎮杭嘉湖隱田改正豁除蓋里胥移糧作荒而荒更代糧也顧鼎臣先諭德皆痛陳之



罷南京誠意伯劉瑜操江右副都御史簡霄時閱兵與提督魏國公徐鵬舉爭坐見劾

癸亥代府吉陽王聰注請庶長子俊權改封長子不許  
費瑋嗣崇信伯費棧子

七庚午頒龍飛大狩錄

癸酉復給德王祐榕白雲景陽廣平三湖

乙亥東宮恩養濟院貧民五千八百五十餘人人米四斗

丙子南京戶禮部右侍郎王潮呂柟自陳致仕

水火土金星聚東井

辛巳吏部文選郎中黃禎貪婪見劾下獄并前郎中楊育秀落職尚書許請待罪宥之御史劉士達復劾請被譴

逮山東按察僉事于廷寅初梓宮南行臨清主事侯珮閉關

蓄水于廷寅舟阻怒決之捕掠官吏撫按劾交并及珮宥之

廷寅削籍

壬午免濱德災傷田租

癸未逮宣府總兵官署都督僉事郝鐘獄戍邊前歲戍戍失事反詐功



庚寅巡撫南贛汀漳右副都御史吳山為刑部右侍郎巡撫甘肅右副都御史牛天林為大理寺卿

刑部主事王維賢引疾去不許命朝臣注籍三月外任俸起熊浹南京禮部尚書河南左布政使郭持平為右副都御史總理河道

楚雄臨安廣西地震臨安卒隕人

甲申武廟德妃吳氏薨

南京禮部尚書霍韜吏部郎中鄒守益共上聖功圖引書十三事如文王問安膳視等上以語涉謗訕宥韜罪

閏八月申朔應天府尹袁檣失覲梓宮落職

丁酉遼東廣寧衛胡卒佟伏等作亂夜鼓嘯城樓總兵右都督馬永擊斬四十人俘二人乃定永家卒百餘最勅

刑部囚逸即格殺之下主事曹亨鎮撫司

戊戌蘓松常鎮淮揚大風潮溢溺人畜亡筭揚州溺二萬九千餘人上海縣溺數百人

癸卯南京刑部尚書聞淵改南京吏部尚書起甘為霖仍工部尚書督工

日本國王源義復來貢自嘉靖二年宗設等後不至



乙巳皇子載風生明年三月壬寅尋殤追封均王謚曰思  
丙午諭內閣常朝俟春和郊廟重典親舉亡敢怠

免杭嚴紹興金華衢處水災田租

丁未故襄城伯李全禮贈太子少保謚恭敏

戊申周府郵陵王安沅薨

己酉詹事府少詹事兼翰林院侍讀學士崔銑為南京禮部

右侍郎

庚戌火星犯積屍

大理寺卿汪珊巡撫應天右副都御史歐陽鐸為南京戶兵

部右侍郎撫治鄖陽右副都御史王以旂還院

處州貢士盧綱訐知府吳仲孫存張一原同知車露通判甯

鎬等贓罪上盡逮諸臣訊其實則綱武斷累經御史周汝賢

傳鳳翔按治者也械綱三月舉家戍

壬子夔州廣安大昌災

罷總督糧儲右副都御史邊憲劾免

甲寅叙廣西斷藤峽諸賊巢功總兵安遠侯柳珣進太子太

保提督兵部右侍郎蔡經進兵部左侍郎太監馬廣詹錦衣

衛鎮撫餘陞賚有差



戊午南京工部尚書周用改南京刑部尚書

庚申 獻皇后祔顯陵

辛酉禮部尚書兼翰林學士黃綰使安南未行乞贈誥落職  
上問安南事云何廷議莫氏狡難信其降宜耀師於是勅成  
寧侯仇鸞兵部尚書毛伯溫南征

甲子宣府總兵官張鎮以虜入萬全右衛怯敵論大辟

八朔寅會昌侯孫杲子應乾求襲爵不許

庚午夜月犯心宿

辛未 慈孝獻皇后祔太廟

丁丑賜文武大臣命婦金幣有差

壬午大享於玄極寶殿

戊子益王祐楮薨謚端王

壬辰作皇穹宇即南郊大神殿藏神版者

癸巳京察本二月因南巡緩之

免河南陝西田租

虜入花馬池債帥魏時不能軍走保硝河城虜東出乾溝任

傑諸將襲其後行捕斬二百餘級

九月未朔日食昧爽食三分免救護



免真定順德廣平大名田租  
戊戌方東嗣南和伯方壽祥子

巡撫宣府右僉都御史郭登庸疾免

壬寅止漕運都御史周金入京議事總兵官仍入議

嘉善西塘鎮人生子才二月忽作言索食尋死

癸卯巡撫江西右副都御史王暉言臣家句容朱家巷 聖

祖肇跡今龍爪樹尚存宜加表識 上命南京禮部右侍郎

崔銑等訪之無據而寢

談遷曰予嘗道句容過所謂朱家巷平坡荒楚安所問王

跡哉漆沮有邵竟不得等於周氏即龍爪樹無復存矣與

王之基失實為妄誠不可不慎也

乙巳吏科都給事中薛廷寵監察御史戴景拾遺劾禮部尚

書嚴嵩兵部尚書張瓚等不職命戶工部侍郎胡璉吳大田

巡撫山東都御史曹蘭致仕提督南贛都御史鄭坤侍讀學

士廖道南右司直張寅通政使郭秉聰順天府尹王道中戶

部主事曹儒閑住清黃通政呂希周太僕寺卿李邦直刑籍

餘皆留吏部希嵩意欲外遷廷寵亡何卒

林煙曰予叨梧掖時見 世廟初年六垣章奏得讀薛都



諫劾分宜兩跡斥其奸回不遺餘力。天子方簡任嵩置  
不問然嵩踐揆席未溫亦不敢遽中其私憾也迨柄政日  
久其子世蕃虎而翼之嵩導。天子日夕奉上玄修長年  
稅始恣意作威福少有言涉其身者不令之碎首不止矣  
嵩既敗華亭徐文貞佐。天子養和平之福苞苴稍絕朝  
野相晏延及新鄭江陵互相傾陷至省署之臣懃不附已  
者言出而杖斥隨之視嵩之肆僂辱尚有間焉長洲太倉  
相繼四五公懲於前之相戕轉為後之相結其智益深其  
術益巧彼直而攻我曲而忍徐而逐之以他事使不能知

陰而錮之以。上意使不能測舉三十年卒未有逃其畧  
阱者矣

免太倉崇明嘉定上海華亭鹽城海門興化如臯通州水災  
田租

虜再犯宣府南路深井。參將賈英以虜少乘之中伏大  
敗并總兵江桓落職

曉刻日出文許黑日食之既  
已酉進陶典真神霄保國弘烈宣教振法通真忠孝秉一真  
人總領道教



南京工部右侍郎胡訓為南京右副都御史王學夔提督操江

庚戌光祿寺卿趙廷瑞為右副都御史巡撫陝西  
夜木犯鬼宿

癸丑免甘肅屯租及湖廣田租

乙卯咸寧侯仇鸞奏帶省祭官十八人有旨劾治

丙辰免應天安慶蘄寧國廣德水災田租

增湖州通判駐烏鎮捕盜兼水利

己未免順天河間保定田租

辛酉 上發京師次沙河

戶部右侍郎王杲兼右僉都御史賑河南

壬戌至天壽山

十月丑朔 上祭長陵立 成祖文皇帝陵碑

丙寅巡撫貴州右副都御史張鉞為南京工部右侍郎貴州  
左布政使李顯為右僉都御史巡撫山東

諭停刑

前國子監祭酒陳霽卒霽吳人弘治丙辰進士館選授編脩  
年七十五賜祭塋。



壬申進戶部尚書梁材太子少保

甲戌起白爵都督僉事總兵官鎮守宣府

戊寅故贈光祿寺少卿常熟蔣欽補賜祭葬

壬午大同弘賜鎮邊鎮川鎮虜鎮河五堡成毛伯溫以前張文錦任非其人非建議謬也即故鎮川堡之左築堡曰鎮邊即弘賜之右築堡曰鎮虜曰鎮河相去各二十五里分成三千人叅將一指揮五領之三月功成號曰北路進毛伯溫太子太保史道兵部右侍郎仍巡撫故總兵梁震贈太子太保庚寅祝雄為署都督僉事總兵官鎮守大同

辛卯湖廣提學副使江以達削籍初楚王迎祭梓宮欲先出以達居守不聽遂訐奏下獄

十月丙申至日

上祀南郊

己亥戶部左侍郎李如圭為南京工部尚書雲南左布政使韓士英為右副都御史巡撫貴州

免南昌臨江吉安南康九江瑞撫饒水災田租

南京兵部尚書湛若水條留守十事平物價急無告勸耕桑申禮制宣聖訓躬騎操脩武教編保申勵兵馬定四民允行之



癸卯免山西田租。

丙午初南京監察御史錢籍論考功郎中章袞不職以不先  
劾待中察上之置不問

巡按直隸監察御史黃正色戍邊護行梓宮騎過其舟太監  
鮑忠反劾之

戊申兵部右侍郎張潤改戶部左侍郎總督倉場督理西苑  
農事

南京兵部尚書湛若水上治權論欲激安南吏民共討莫氏  
分地可不煩兵而下部覆迂之

辛亥詹榮服闋補尚寶司卿

壬子起右副都御史王大用劉士元等

夜火星犯上相

丙辰孫瑁嗣懷寧侯孫瑛弟

旱禱雪

丁巳周采林廷學楊應奇龍遂陳邦彥<sup>修</sup>張堯年王嘉元許貫  
之王夢弼為給事中

戊午饒天民章傑郭廷冕胡直行陳與音舒鵬錢應揚桂榮  
葉經趙應祥王九齡李仁龍翁五倫陳時胡汝輔汪旦張棐



陸瑚唐臣徐鶴齡魏謙吉張煥符驗馮璋黃河為試監察御史

起陶諧兵部右侍郎

十  
癸酉逮前宣府總兵官汪桓叅將曾英指揮周才李璽何圖追其再失罪也

乙亥河南巡撫右副都御史胡纘宗以公署燬及符勅免官  
戊寅大慶賜書諸王齎金幣

庚辰河南左布政使傅鑰為右副都御史巡撫河南  
壬午日生暈及左右珥尋白虹亘天

己巳大理寺右少卿魏有本為右僉都御史巡撫河南

庚午洮涼甘肅地震

辛未刑部尚書周期雍鑄俸一級初錦衣指揮樊瑤以長子網嘗有罪不當嗣請立庶子緯網跡辨刑部謂子訐父私其罪鈞命再訊於是坐瑤奏事不實 上以瑤事與他奏不同責對狀引罪

甲戌定五品以下有司官不職許撫按即訊毋奏瀆。

旌南城烈婦胡氏氏適李華賈外姑淫縱脅氏八年不少辱竟殺之事聞立祠賜祭



已卯湖廣道監察御史包節劾兵部尚書張璠等疑左  
都御史王廷相嗾之遂訐廷相私事俱不問

庚辰諭禱雨 上禱宮中

癸未雨

弼國公郭勛請宥海州副總兵時陳死罪不許

東一真人陶典真立雷壇於黃岡之團風鎮

督工工部尚書甘為霖言諸工垂成請罷採木第覈其未竣  
者從之

丁亥延綏總兵官周尚文劾罷

太子太保禮部尚書嚴嵩以員外郎衛元確行人孟廷相使  
藩邸不即報乃吏科都給事中丁湛寬其限市恩俱下鎮撫  
司譴元確湛  
廷相贖還職嵩蓋忿臺諫前摘借修  
其怨也

己丑雨雹

五月辰朔錦衣千戶李拱辰言顯陵合塋災異屢作乞返塋天  
壽山命下鎮撫司論贖

甲午鄜州大雨雹傷人畜

前太子少保禮部尚書李浩卒浩曲沃人成化甲辰進士有



才幹議論英挺不受挫年八十五贈太子太保謚莊簡

丙申復命勲臣子弟肆太學從司業王同祖之言

四川遂寧訓導蕭時芳言郭勛夏言霍韜並中興功臣而心

跡未一宜賜酒和解命下鎮撫司削籍

己亥固原等衛地震

選京師淑女百人

辛丑秦強天鼓鳴夜隕星化為石四之

壬寅定巡撫官限郡縣輸賦京邊杜其侵緩

乙巳應天府尹陳卿為右副都御史巡撫甘肅

乙卯作雷殿

設河南驛傳金事

丁巳南京戶部右侍郎王潮卒

戊午太子太保工部尚書蔣琮南京兵部尚書湛若水並六

年考滿以踰者並令致仕

六月戶部左侍郎張潤為工部尚書

太子少保戶部尚書梁材罷初諸宮殿繁興役外衛班軍四

萬六千人不足郭勛以失期者人輸金顧役秋期四千人春

加其一月粟四斗材不許勛劾其擅



陳善曰梁公為司徒時人問其為杭守狀曰吾無他長但  
事無冗劇必於一日決之耳其語蓋祖劉晏、筦鹽鉄亦  
嘗為浙吏當二公時浙無廢事矣然使決之未盡當可謂  
賢乎劉穆之一百日函朱齡石七十函亦係其才耳可相  
效耶

戊辰增瓊州叅將

浙直蝗大饑

庚午還夏言所追御札銀章

復設江淮總兵大盜常熟黃良通州秦璠並自崇明出入海

上肆劫漕舟出孟瀆掠其七遂逮鎮江知府張璠丹陽知縣

周寧起湯慶左府都督僉事總兵官捕盜

壬申皇穹宇祭器成

甲戌南京工部尚書李如圭改戶部尚書巡撫順天左僉都  
御史張漢為戶部左侍郎總督倉場兼理西苑農事

乙亥南京禮部尚書熊浹改南京兵部尚書

辛巳南京太常寺少卿徐錦為右僉都御史整飭薊州邊備

巡撫順天

初瓦剌自相仇殺於是瓦剌卜陸王桶李刁忽還來款塞總



督尚書劉天和言土魯番入寇必藉其力今及其困而撫之  
感恩自倍如不受必入於土魯番為後日憂下廷議  
丙戌禮部右侍郎張璧刑部左侍郎宋景為南京禮工部尚  
書

戶兵工部會議役費詔仁壽宮欽安殿速為之餘暫止

戊子脩寧武偏頭等邊垣

咸寧侯仇鸞尚書毛伯溫言莫登庸未服罪因籍廣東水卒  
三萬六千人廣西土兵七萬五千人粟三十八萬石金八十  
八萬別徵兵若干命南中奏至部覆毋越三日仍留廣東歲

賦監課備餉

總督蔡經言按鄭惟燎之書稱元年七月立舊光紹次子黎  
寧號為光照今則號元和且四年矣昔謂據清華而今云在  
木州親信如惟燎亦不知黎寧之所生年月或惟燎等以鼓  
動衆心亦未可知夫使黎寧果出於諛則正派猶在人心尚  
不然則名義未正豈惟彼國人心渙不可收即我動調大衆  
雖雷霆之威固不摧折者矣時上意銳廷議多難之弗悅  
也惟燎給長樂縣完一區田五十畝從者三十畝  
七月癸巳翰林學士張治左諭德兼侍讀龔用卿主考應天



甲午夜月掩角南星

乙未禮部右侍郎蔡昂為左侍郎少詹事孫承恩為禮部右侍郎

丙申宣府總兵官白爵言鎮兵八萬馬四萬而兵不振者其弊有五蓋緣將不知兵一不顧將逗留者亡罪失報者免誅法令姑息一也人無鬪志器甲不備二也火夜縱虜管罰不加三也寇至如風雨臣等遙制累日方聞副叅游守舉劾誅賞主將不涉權輕令沮四也通判經歷吏目勘虜所入守備却迎總副游叅入候官吏失職五也欲振其弊惟命大臣總

兵庶其有濟 上是之

寧夏總兵官都督僉事任傑移鎮延綏傑謀勇兼備賞罰明信為虜所憚濱行鎮人如失父母

丁酉土魯番以奸夷火者 誘之違例入貢不納 舊五年一

陝西右布政使尹嗣忠為右僉都御史巡撫延綏刑部右侍郎吳山為左侍郎南京刑部右侍郎王浚還部

戊戌設郡縣置倉積穀御史舒遷言之

邊報多不實遣 科給事中張良貴覈宣大山西功罪

總督陝西劉天和言平虜城伏兵邀 斬二十一級賜金幣



有差

廕郭勛朱希忠錦衣百戶進禮部尚書嚴嵩少保兼太子太保工部尚書甘為霖太子少保餘陞賞有差皇穹字成

癸卯虜犯宣府右衛總兵白爵戰於宣平敗之副總兵雲冒又敗之爵追戰於北庄

甲辰南京太常寺卿衛道為南京刑部右侍郎

己酉榮王載境求父恭王墓表以非制不許其先簡王靖王墓表悞恩也

壬子虜涉桑乾河半渡值雨官軍急擊之斬百有六級獲馬

六十四

癸丑增朔國公郭勛歲祿百石方寸合肥段朝用假丹術結勛進

銀器上悅又進萬金助雷壇授紫府宣忠高士後術不驗

其丹銀即勛帑幻攝之

甲寅增湖廣解額五人共九十人

前刑部尚書聶賢卒賢長壽人弘治庚戌進士持守清苦始終不渝贈太子少保謚榮襄

己未吏科給事中劉大直言禁科斂止餽遺處公解審斥陟公採訪戒科求從之



由萬全右衛入寇。總兵白爵出戰，敗績。掠蔚朔懷仁、渾源、靈丘、馬邑。叅將鎮計伏蔚東山，又叅將徐珏扼美峪口，不得東計。邀斬七十餘級。引去。

嚴從簡曰：時梁震死，祝雄代鎮。失良將，扞禦隳績。自是山西之禍成矣。近年邊將負才名者三人：李瑾、梁震、祝雄也。稱瑾者曰性孝友勇而有智，料敵多中，治軍人不敢干以私。稱震者曰巧於襲營，善用，人下樂為死。稱雄者曰循、如書生，與人信，士卒同甘苦，瑾以行法遇害，可深惜也。震數立功境外，其時鮮失事，而雄則敗衄偏師，戕艾生齒，且

弘賜之外，扞不嚴，而全鎮創夷。西路之中堅失據，而山西蹂踐，將所值之異耶？胡名實之不副，乃爾噫。震、雄同事者，吏道也。道之疏曰震剛愎驕橫，雖稱難處而壯勇多機，閑習戎務，臣與矢心力答恩眷。今之將帥未可倚恃，臣誠旁觀，亡以自寧，則又安可委之所值耶？

八月戊戌，禮科給事中曾鈞言：謹士習，士習之散廉污之介，弗嚴靜躁之分，不明也。至於大臣自處，尤有可議。古大臣慮在四方，今則守局循常矣。古大臣恭儉率物，今則強奢兢靡矣。古大臣被論引罪，今則強辨傷體矣。古大臣同寅協恭，今則交



惡相傾矣。故忠佞之辨在。陛下加之意耳。上褒諭之。  
癸亥湖廣清軍御史姚虞言軍屯不當兩分始命清軍御史  
兼筦屯田

甲子令南京鑄嘉靖錢

乙丑夜月犯心星

丙寅左春坊左庶子兼侍講章承叙左中允兼脩撰李學詩  
主考順天

己巳萬壽節先醮朝天宮三日

甲戌萬騎入平涼副總兵魏慶戰敗沃劫岢嵐石州靜樂

丙子署太常寺事禮部左侍郎金贊仁工所輯各年增定儀  
注名曰太常總記

虜自寧武關南犯岢嵐靜樂與等縣殺掠萬計山西副總兵

魏慶不敢戰僅尾虜後有二虜直貫其營慶懼不敢出

丁丑朔國公郭勛以風霾請大臣自陳聽科道拾遺於是刑  
部尚書周期雍獨休去

戊寅羽林前衛指揮同知劉永昌下鎮撫司時上欲靜攝

命東宮監國大臣固爭永昌獨言其便上惡之

己卯右春坊右庶子兼侍讀楊維聰予告



裁南京五府都事光祿署丞各一  
庚辰夜月犯五軍東南星

壬午前遼東巡撫右僉都御史成文卒  
癸未夜木星犯軒轅

前巡撫遼東右副都御史劉漳卒

戊子設浮梁景德鎮陶窯通判

虜吉囊二萬騎犯定邊營厄於墻不進詭襲黃毛虜我師懈  
以三騎坎而登衆驚潰虜入固原總督劉天和斬指揮使牛  
臯郭卿等以狗會久雨寧沒馬足  
狼狽反天和嚴兵以待

實錄云九月二十日始出

太僕寺卿楊最以上靜攝東宮監國之命揆厥所由不過  
悞信方士耳皇宮內院豈有白日升天者哉黃白金丹之術  
皆可斷元氣惟端拱清穆恭默思道不邇聲色保復元神仙  
藥不求而至矣至於監國尤不敢議上怒杖之百編成卒  
良卿杖畢其數時百官班朝震惧最射洪人登進士歷  
工部郎中督漕山西歸無所賂尚書李燧啣之嘉靖初知寧  
波攜一僕詣官舍旦暮二炊蔬菽而已人謂震畏四知秉去  
三惑不足多也性淳樸方果不能媚人常道深嫉之其為政



抑豪憫惻訊決無滯竟調黃州去之日老穉遮勸留其履襪  
祠之皆敬僅掇而已隆慶初贈右副都御史謚忠節

九月巳丑朔，營哨河我軍夾攻大敗之斬四百五十級殺吉囊  
次子小十王餘遁去分營東勝賀蘭山我大同兵邀東勝，  
斬九十級莊浪寧夏兵邀賀蘭山，斬百八十一級，大誣  
庚子遁出塞

王世貞曰關中自王瓊後赫、名者稱三總帥云王憲唐  
龍後俱本兵稍不稱天和之殺二裨人或尤之然知有伍  
政矣

丁巳裕嬪王氏薨葬金山

十月庚申中書舍人汪雲程自言精諸葛亮八陣兵法求教習團  
營上誕之謫

南京禮科給事中曾鈞等言各路採礦得不償費乞盡罷報  
可

辛酉弛私鹽擔負之禁

計銅仁平頭二司及鎮溪草子坪叛苗

前太子太保戶部尚書梁材卒材字大用工元籍大城人弘  
治己未進士授。令歷刑曹改御史歷戶部尚書致仕及



再召塗人。子相慶曰：天有眼，又忤郭勛，去敷歷中外清節。著聞司國計，先後十年，謹守筦鑰，雖工作繁興，不加賦而用亦足。時尚派通材，屹然自守，靡媿古人。隆慶初，贈少保，謚端肅。

馮時可曰：語有之，善仕不如遇合，誠哉！斯言當嘉靖初，英主斥，明察政府地，自智一時士大夫，俱以阿比取寵。而公獨屹如中涿砥柱，而名實孚於上下，卒獲伸其志，以去。遇合有數哉！自公去，後來者益齷，救過不給，多所顧繩。墨公亦遭矣。易名端肅，稱其人哉。

甲子少保兼太子太傅禮部尚書武英殿大學士顧鼎臣卒。鼎臣字九和，崑山人。弘治乙丑進士第一，授修撰，遷侍講，歷左諭德，兼侍讀，進學士，詹事，歷禮部尚書，入相。上南巡，獨命留守，取充位，無以自見，贈太保，謚文康。

劉鳳曰：君臣之遇合，誠難矣。苟誠遇，豈為徼一時榮寵哉！當世宗中，興慨然欲舉三代禮樂，虛己疇咨，審則法令，動以經義，從親禮儒，臣晝日三接，信任無加焉。鼎臣晚乃獲遇，其所對揚，僅若此，非有所畏不盡則其術固踈與？獨始終一節，不為飾，臣高自錯，而無常於名實，猶賢矣乎。



乙丑署詹事府太子少保禮部尚書霍韜卒韜南海人正德  
甲戌進士授兵部主事由議禮進少詹事歷今官性剛褊不  
能容物好論事時齟齬始善張璠桂萼後更疾并仇夏言才  
有餘而器不足贈太子太保謚文敏

丁卯 皇太子疾 上禱於上玄諭停刑

戊辰作南郊圻享殿

兵部左侍郎楊廷儀卒

癸酉劉會馮良知胡賓李文進安宅張思王燁章允賢聶靜  
梁格張永明為給事中車邦祐李秀春侯度陳策伊敏生郝

銘俞則全趙弘鄭共曹邦輔趙炳然邵基吳瓊李璧李丕顯  
周諒為試監察御史燁格永明諒並南京

庚辰太原地震

前巡撫應天右副都御史陳克宅卒餘姪人正德甲戌進士

辛巳南京國子祭酒馬汝驥為禮部右侍郎

壬午孫永嗣應城伯孫越孫

甲申都指揮僉事王升總兵官鎮守大同四川都指揮同知

沈希儀署都督僉事總兵官鎮守貴州

丁亥右春坊右諭德兼侍讀屠應竣予告



十月己丑 上不豫百官候起居

庚寅安南莫登庸入鎮南關來降初毛伯溫合兵三十萬會境上先以聲恫喝檄討罪止登庸父子能擒斬者爵賞登庸如歸順亦聽之料兵分道正兵三叅政翁萬達副總兵張經自憑祥入曰中哨兵四萬人副使鄭宗右叅將李榮自龍州入曰左哨副使許路都指揮白法自思明入曰右哨各萬四千人奇兵二叅政張岳都指揮張輒自歸順入副使張嘉謀叅將高誼自欽州入又海哨副使涂捷都指揮武鸞自烏雷山各萬四千人雲南黔國公沐朝輔巡撫汪文盛會兵蓮花

灘中哨則副使鮑象賢都指揮王銘等左哨副使鄭騮都指揮方策右哨副使張綱都指揮馮三等計二萬人餘軍不與馬伯溫身駐南寧節制而安南預毒上涿瘞竹陷馬足為備時奸民輸我情翁萬達偵其狀令出關通賊者磔之莫登庸大惧子方瀛已死留孫福海守國身入關投款兩軍相拒伯溫承制脩幕府臺奉御座於壇覆黃幄諸臣以禮服侍開闕登庸及從子文明陪臣阮如桂等四十八人銜組徒跣跪上表曰大兵壓境臣猶圜豕何足以當幸見軍門檄問備奉天言慈渥無涯拊膺涕泣竊念縲臣有罪黔首已辜陛下不



忍以縲臣之故而駢謬群黎縲臣何幸以縲犀黎臣之故而概存  
殘喘雖先國臣丁氏陳氏黎氏違相沿襲稱號紀元臣悔悟  
之餘固知其不可已戒革除候命豈敢仍蹈往謬自遠天誅欽  
州守臣奏如昔貼浪二都漸凜金勒古森了葛等四峒原欽  
故地果爾則先黎氏冒而有之臣願歸之欽州至鄭惟燎所  
稱黎寧國人以為阮金之子今雲南以寧為黎氏後見在老  
撾已達聖聽臣何敢辨願以廣陵七州紅衣等寨其附近  
地割屬雲南惟聖恩特遣使臣至國訪有黎氏後臣當迎歸  
全以土地奉還豈真割與前地而已若果如國人所云乞憫

念生靈俾有統攝其先年失貢宜補及以後方物臣不敢遽  
以為言方在罪中求免一死尚恐不得耳又先朝故事備代  
身金人即欲獻亦慮唐突惟聖明垂察阮如桂士民阮經濟  
黎烜等奏如之登庸受國未及請命罪復何言臣等亦私相  
推戴實與登庸同科頃陛下曲賜恩貸得緩酒吏母死幸  
甚諸生謝天縱為解組翁萬達稱詔赦登庸歸俟命拜謝去  
文明賚降表入朝伯溫等以其事聞請與登庸都護總管如  
漢唐故事歲以廣西布政使頒曆令趨鎮南關祇領至漸凜  
古森了葛金勒四峒令入欽州版圖有如說者以黎氏為疑



則常黎利發難時殺我大將柳升及大臣陳洽 宣宗猶思  
貸之今登庸獨不可請比乎且鄭惟燎所居在上下朗石林  
州近西粵西粵皆不識黎寧如何人或稱黎寧或稱黎憲或  
稱光照或稱元和或以為阮金子或又以為鄭氏稱詐常安  
人鄭咥言曰漆馬江即有黎寧然宗支皆不可知今誠念黎  
氏苗裔請量予寧職事得食漆馬江屬黔南掌之而登庸表  
章下兵部彙議

田汝成曰莫氏不道弑其主而奪之位罪誠有之然國之  
臣民帖然比輔感其惠而忘其仇議者必欲征之過矣雖

然議征者誠過而諫止者又徒以不能取勝為憂亦非也  
以四海全盛之力而謂不能殲一隅其見為不宏然以一  
隅之地而必勦四海全盛之力以克之其勝也為不武昔  
者主父偃之諫伐南粵也曰夷狄相攻此其常性而賈捐  
之之議棄朱崖也揚子雲頌曰不以鱗介易我冠裳庶幾  
近矣吾故曰安南之不可征者非憂吾之不能征也謂彼  
之不足征也

王世貞曰安南地賦中國得十一戶口得十二漢覽九郡  
後供賦稅出力比於中土至宋始棄以畀其酋然猶授王



官質子貢物饒富宋弱彼益驕不復覩中國大矣元得志  
發兵三四入國都終靡要領迨明文皇帝大發兵討之  
擒偽王伏斧鑕闕下畫經界置吏受約束夷樂夷俗畏恐  
明法峻旋叛雖得屬圖版之末二十餘年大司農量得喪  
乃百不當一耳宣皇帝難用兵採楊士奇楊榮議棄之  
南土悉息肩往年莫氏之役興獨主上銳而群尼之此  
豈愉佚忘大哉善理疾者必先究吭領要害而餘功達於  
肢節勢方蹶梁歲殺掠吏士孤不得壯、不得老而供  
餉坐疲矣舍吭領要害之究而事肢節非有大益且有異

害昔吳王北破齊盟晉而越入吳王且未慮吳也而欲伐  
宋其臣諫曰王得宋小不能居而失吳王乃歸此征婁南  
之說也伐宋非失策也吳固而後宋可伐也

甲午免漕溪南充旱灾田租

戊戌奉安皇穹宇神位 上屬疾遣郭勛嚴嵩

振威營南和伯毛良卒

改陝西總督劉天和為南京戶部尚書

己亥太常寺少卿兼翰林院侍讀學士鄒守益為國子監祭

酒



壬寅金星晝見

丙午巡撫寧夏右副都御史楊守禮為右都御史總督陝西  
壬子秉一真人陶典真進少保禮部尚書署太醫院事禮部  
左侍郎許伸進工部尚書

癸丑寧夏巡撫楊守禮請築鎮遠關黑山營從之

甲寅河間盜平

錄敗功進劉天和太子太保世錦衣正千戶總兵周尚文  
任傑魏時並都督同知巡撫陝西趙廷瑞延綏尹嗣忠並兵  
部右侍郎楊守禮兵部尚書並如故巡按御史張光祖擢京

堂呂光洵進一級御史與戰功自此始以幃幄進夏言少師

翟鑿張瓚少保世錦衣衛副千戶

乙卯宣大遼東選布政司官理餉

巡視山海關御史黃鏜行部至振武營叅將張文懿郊迎會  
入失援謫鏜浙江按察司知事

丙辰初海盜王良等敗副使王儀勢張甚陰榜南京城中語  
多悖上怒罪當事者亡何總兵湯慶破斬之

二月辛酉命湖廣總兵官新寧伯譚綸祭顯陵著為令

順天府尹劉勳為右副都御史巡撫寧夏



復設益都顏神鎮捕盜通判

乙丑處士王良卒良泰州人粗識論語孝經章句著格物論求正於王守仁不荅曰待他日自明之晚益朗徹稱師門高第兩救海濱之荒活萬餘人御史洪垣構舍授徒吳悌跣薦於朝不報趙貞吉銘其墓曰越中良知淮北格物如車兩輪實貫一轂後有作者來登此車無以未覺而空著書

戊辰禱雪

己巳我眉縣山鳴震裂涌水八日乃止

辛未故翰林脩撰康海卒海武功人弘治壬戌進士嘗救李

夢陽因謁劉瑾為解遂黨坐士論寃之其詩文最知名

甲戌增寧武偏頭鴈門三關戍守

乙亥沙河行宮成侍郎樊繼祖添注工部尚書餘本陞賞

壬午封厚熹益王載均吉王載堦德王祐校瀟世子勛渥宜

山王厚熹邵陵王厚熾建德王朝填順慶王朝堵保寧王朝

壩崇善王朝壩永寧王健相歸善王廷埜富川王

翰林編修兼右春坊右司諫唐順之左替善羅洪先司經局

校書趙時春各請來歲元旦朝賀禮成 皇太子出御文華

殿受中外官朝賀。上札問閣臣云何閣臣誣其奏留中二



十六日有旨朕疾未平遂欲儲貳臨朝是謂君父必不能起也皆奪官

吉囊駐牧賀蘭山

癸未許鳳陽守備太監張信如黃準例統攝廬淮揚徐滁和毋預民事

甲申翰林院編脩兼左春坊左司諫黃佐為南京侍讀署院乙酉吏部尚書許讚上嬰童百問下禮部梓之

辛丑嘉靖二十年

正月朔上疾不朝是日雪夏言嚴嵩溫仁和張邦奇張潮

孫承恩各上靈雪頌

巳丑味南京戶部右侍郎汪珊卒

丙申上朝群臣

前吏部考功郎中薛蕙卒蕙字君采亳州人正德甲戌進士自刑部主事改銓以議禮去官年五十九所著老子解西原集

唐順之曰先生少嘗刻鏤於詩世絕喜其工今所傳西原集者其少作也既志於道則棄不復為雖為之亦絕不較

工與否然西原集世爭慕效之而約言老子解好者希矣

戊戌吏部大計



壬寅免廬鳳淮揚徐滁和災傷田租  
丙午西海卜兒孩致塞

己酉吏部文選郎中林春主事許穀被劾不聽  
辛亥留入覲官陪祀祈穀著為令

壬子前刑部尚書楊志學卒志學長沙人弘治癸丑進士授  
戶部主事至今官嘗撫寧夏有柳門卻功贈太子太保謚

康惠

前刑部左侍郎陳瑋卒

丁巳大同巡撫史道被劾乞歸不許

二戊午朔湖廣巡撫陸杰以顯陵軍校侵民田與太監傅霖交  
奏奪俸三月

癸亥兵部右侍郎陶諧為左侍郎右副都御史王以旂為兵

部右侍郎河南左布政使范鏊為右副都御史巡撫寧夏

甲子署詹事府事禮部尚書溫仁和翰林院侍讀學士張袞

主禮闈

乙丑李應臣嗣襄城伯全禮子

顯陵寶城及舊宮殿成頒賞免承天田租三年

丙寅河南道監察御史楊爵言今天下因仍尚且兵戎廢弛



奢侈僭踰公私困竭奔競成風賄賂通行遇災變而不憂非  
祥瑞而輒賀士習民風於此大壞在 陛下轉移率勵之何  
如耳去年自夏入秋恒暘不雨歷冬無雪此誠徹樂減膳之  
時而大學士夏言等稱頌靈瑞欺天罔人不已甚乎翊國公  
郭勛中外皆知其大惡大蠹乃使其稔毒潛干政柄令群兇  
趨附善類退處此任用匪人之過也邇來四方饑饉相仍小  
民委命<sup>溝</sup>壑此誠節用恤財與民休息之期而土木之興十  
年不止股民膏血而不知恤昔隋以盛脩宮室至於亡國此  
興作太多之過也 陛下初年嘗以敬一箴頒示天下頃來

朝儀間濶經筵不御臣恐人心怠惰中外渙散此朝講不親  
之過也方士執左道以惑衆聖王所必誅者今乃金紫赤紱  
徧於羽涿以妖誕邪妄之術列清禁森嚴之地而藉以為  
聖躬之福何哉貽四方之笑取百世之譏於 聖德國體所  
損不小此信用方術之過也 陛下臨御之初延訪忠謀虛  
心納諫人、得盡所言往年太僕卿楊最言出而身亡近日  
左贊善羅洪先等皆以言罷斥臣恐忠臣結舌讒諛盈廷而  
上下之情不相通矣此阻抑言路之過也 上怒逮之爵方  
使以使還里緹校至時麥飯盂蔬饗按臣食畢即行校請治



漿曰貧不任漿請內別曰君命也寧自便其私子妻子牽衣  
哭爵麾之校皆吐舌云楊君慷慨乃爾逮至下詔獄杖之居  
數日視無恙復杖之脩受酷訊晝夜困梃鎖莫敢寬坐卧處  
血可杯也京師暴風揚塵二日人呼楊爵風云

庚午方士段朝用其徒王子巖以丹術不驗訐之下朝用鎮  
撫司

壬申大風霾

乙亥 上喜邊倣息勅獎大學士夏言

丙子築陝西三邊墩堡

戊寅承天知府吳惺乞脩府志遂下巡撫工部尚書顧璘任

之璘聘故壽州王廷陳亳州顏木纂脩

宗室多越閔奏瀆命以後犯之俱幽鳳陽

己卯右副都御史胡守中為左副都御史仍兼詹事府丞

甲申封德妃張氏

入甘肅總兵官楊信敗卻之

寇蘭州叅將鄭東敗沒

三月子定勳臣歿後畢華子孫方得嗣爵

辛丑策貢士賜沈坤等進士及第出身有差



追賜故南京刑部尚書崇德潘蕃祭葬  
壬寅科道巡視光祿寺歲額年終冊報  
癸卯福州地震

己酉督工工部尚書甘為霖署部事仍督工

庚戌太僕寺卿汪玄錫為右副都御史巡撫江西

壬子工憂早禱雨西宮

鎮溪叛苗平

四月己朔前總理應天糧儲右都御史陳鳳梧卒

己未宥安南莫登庸罪詔曰安南自昔本屬中國至宋受王

封始淪於夷若陳氏傳世久遠又知慕義納款為我太祖

嘉獎著訓後人毋伐其國止因賊臣黎季犛弑主日焜又殺

其孫天平工干我文祖震怒始命將討平郡縣其地是出

交人於水火不謂黎利復肆鼓衆作叛又詭詞請封我宣

宗皇帝念息兵未久推聖祖為陳氏意以恤交人姑置不問

累朝因之朕即位以來黎氏久不來庭將奉詞伐罪節據勘

奏乃知莫登庸竊據其罪狀未明恐僂及無辜暫遣文武大

臣從宜撫剿今登庸既而縛軍門納土請罪是與二黎光悖

有間察其降表與國人代陳情有可原姑從赦宥茲為交人



永圖革去王號不許稱國庶免亂賊接跡相叛登庸久為交  
人附屬准授職印奉正朔朝貢仍許其地置官屬以便統轄  
其人民土地朝廷無所利之 上進莫文明等午門外賜金  
錢有差兵部尚書張璠等言安南故有海陽山南山山西交州  
交北安邦諒山太原宣化與化清華入安順化十三路請比  
土吏令甲每路各設安撫司安撫使一同知一莫氏得自黜  
陟歲附貢使以聞正朔儀部比鮮例頒曆故事安南國王三  
歲一貢 御前皇太后中宮皇宮方物有常今既除吏祇貢  
御前他一切勿許 上從之授登庸安南都統使司從二品

給銀印勅曰朕奉天命居中國為華夷主惟欲輿圖之外四  
裔俱安守其土疆輯寧民人庶稱朕一視同仁之意爾安南  
古蠻夷地自秦漢以來立為嶺南大都入我中國久矣高官  
大爵受命中朝歷世相因至宋始封王稱國遂使茲土復淪  
於夷我 太祖高皇帝汎掃 禮中原甫定陳日焜首先納  
款因而封之且著之聖訓令後人毋伐其國嗣因黎季犛篡  
滅陳氏我 成祖文皇帝始命將討平再勞王師求陳氏後  
不得乃郡縣其地我 成祖用夏變夷之心爾南氓豈可忘  
哉未幾黎利作逆幾動天討我 宣宗章皇帝念南氓屢遭



兵燹亦不欲久煩中國以事遠夷乃因利表請始聽之以活  
南氓耳利不足誅也利子孫克修職貢朝請不廢累朝亦禮  
遇有加比自先朝迨朕即位以來朝貢不至方議興師適鄭  
惟僚奏黎民失國爾登庸篡奪則不庭之罪在爾昨命文武  
大臣往勘爾係頸伏辜恭上降表言黎宗已絕聽朝廷處分  
朕惟法原自首人貴改過既自縛投降納土請命是能畏天  
道服中國也爾畏大罪數十故一切赦之今革王封特授都  
統使世守其土前黎氏僭擬中國制度且悉改正爾能感恩  
慕義賤夷貴華知今日革除封國之典實杜他日亂臣賊臣

之禍為爾類永利如或乍服生叛誦誑不悛仍踵前人故轍  
則天討必加罪在無赦爾與闔氓其共深思而仰副之

高岱曰西夷不庭固王法所當誅然成祖竭天下之力

三犁其庭而竟不能貽數十年之安則其難可知矣今罷  
數十萬之衆損數百萬之費而博取侏儒之使一稽顙於  
闕廷亡論不克即克何利焉所謂慕虛名而受實禍也况  
炎荒萬里之遠勝負兵家之常兵連禍結變起驟生唐玄  
宗南詔之役豈不明鑒哉故夏言首議之功不如唐胄拜  
兵之益也夷考當時吉囊河套之擾尚未息肩不旋踵而



躡山西之境使安南之役不解其何能支耶倘移其力以備西北孰輕重緩急耶雖然當時爭先而處強猶足以見國勢之可振乃頃者倭寇內侵數年奔命竭東南之力而驅之出境且不可得矣尚暇問其來貢否耶此又觀時變者不能不深有慨於斯也

田汝成曰桓叔之入晉也晉人啟之也於是子有椒聊之咏田恒之代齊也齊人附之也於是子有採芑之歌莫氏之於安南亦猶是也其得民深矣其自衛固矣征之則失春秋詳內略外之體因而與之又非天王正名定分之心

故不先之以責讓之詞詰其篡弒之繇曉以君臣之義以觀其臣民向背而徐為之所如其冥然矯虔不可喻曉也為之申固閔隘卻擯貢獻絕不為臣則莫氏必皇然曰天朝之棄我如是我何以取重於臣民也其臣民亦將曰莫氏為天朝所不赦而吾父子兄弟皆亂賊之黨也庶或有倡義而圖之者即不有以圖之則吾中國禮義綱常固凜然觀示於外域也吾故曰征之不若棄絕之為得策也談遷曰黎氏之先非我不侵不叛之臣前殲陳氏而奸其國綿、涓、今莫氏篡之政天道之還也假登庸必討彼



前之為黎氏何所起腐骨而誅之 上春秋方富銳意興  
師亦貴溪左右馬噫今兵食非能加我 成祖時也不款  
而深入勝則可萬一負當壞散不支為中國耻其憂大矣  
幸登庸亡他志予我以體亦憐於 成祖之威靈又老不  
任戰子天孫孤懼為人所襲也否則飲馬富良之江麾旗  
雞陵之隘度目前諸君非所任耳天威恫喝虛弦而下之  
南無尉佗之虞不厚遭乎哉  
進毛伯溫太子太保蔡經右都御史兼兵部右侍郎仍提督  
安遠侯柳垫太子太傅黔國公沐朝輔太子太保餘陞賞有

差

辛酉夜太廟災是日晡東草場火都人訛言火在太廟薄暮

大雨電風霆自

仁廟火延藝各廟俱盡燬 仁廟主惟

睿廟存明日

上祭告內廟祭上帝謝遣避殿徹樂御西角

門召見群臣共脩省

壬戌 科給事中胡汝霖巡城御史聶靜李乘雲劾大學士

翟鑿救火之緩 上責其私忿俱下鎮撫司謫汝霖太平府

經歷靜建平縣丞乘雲太倉州判官

甲子暫罷大禘禮。



乙丑 工身謝南郊停内外工作

丙寅 謝北郊暫止蘆溝橋役

丁卯 上祭告景神殿及太社太稷

巳巳 上祭告帝社帝稷

庚午 始御西角門視事

給寧夏總兵田三頃六十畝副總兵百五十畝游擊將軍百

二十畝蓋養廉舊有田

甲戌 刑科給事中戚賢等劾郭勛張瓚樊繼祖李廷相胡守

中等薦聞淵熊浹劉天和及兵部郎中王畿主事程文德等

上以王畿偽學責對賢引罪謫

議浚黃河孫家口等濟漕

丙子 上青袍御奉天殿詔寬恤天下

戊寅 奉安 成祖仁宗帝后神主自二陵迎入京

巳卯 禮部祠祭郎中能過繳詔書不至謫

戶部廣東司主事晉江周天佐言示人以言未若示人以政

求言之切乃示人以言耳而御史楊爵之獄未釋是未示人

以政也爵在獄已經數月聖怒之下一則曰小人一則曰囚

犯以盡言極諫為小人則為緘默逢迎之君子不難也以奉



職納忠為囚。犯又孰不為容悅寡過之臣哉。願陛下察爵  
之心，特賜釋放。由此而天意不回，未之有也。上怒，杖六十。  
下鎮撫司獄，創甚。兩夕卒。年三十一。妻氏撫屍哭，幾死亡。  
子嘉靖乙未進士。

楊爵曰：嗚呼！遭際之不易，蓋自古皆然也。士當總州藏而  
脩之於家塾，焉及名登仕版，君恩所同，造次顛沛而罔敢  
易也。顧以脂韋依阿之風勝，而三極大中之矩浪然於涿  
靡波蕩之洶涌，而承以孑然獨立之身，斯時也，必欲上不  
負吾身，下不負所學，其不殺身而成仁身之恨者鮮矣。天

佐之死，天地為之震動，路人為之涿涕，嗚呼！天也，命也不  
肖，爵之罪也，復何尤。

江西進賢人熊思榮，上啟一箴，註解欲頒行之，且請布衣與  
科目並用以妄言下法，司論死。

辛巳沅州衛地震

乙酉漢中涿盜平

五丙戌朔賑保定饑

丁亥漕河淤河道，右副都御史郭持平鑄三級餘一級，戴罪  
脩理兵部右侍郎王以旂、兼右僉都御史督理河道，以旂言



黃河南徙。徐呂二洪運涸。今遽議海運。固難而山東平度州  
新河元時建。開通舟南達安東。北抵直沽。悉行內洋路徑。且  
亡險。此皆今日當與引沁通衛之說。並議。又景泰弘治間。大  
臣如徐有貞、白昂、劉大夏俱有事於河。其時極力排河。不資  
以濟。運以黃河勢猛而涿濁來。則衝決去。則為淤。不可藉。且  
遷徙靡常。害多利少。今幸南徙。惟跡山東諸泉入之。洪沛以  
南。仍築長隄。障水如閘。河制務在漕道濬利。從之。罷議海。  
湖廣布政司右叅議方遠。宜乞開海運報寢。  
戊子。議廟工。起潘鑑。工部右侍郎兼左副都御史。往湖廣。應

天府尹戴金為左副都御史。往四川。工部郎中應鳴鳳。方民

悅。分佐之。督採大木。

吳家產彥嗣清平伯。吳傑子。

己丑。南京禮部右侍郎崔銑致仕。

罷鑄錢。息不償費也。

辛卯。夜月犯木星。

壬辰。犯開原叅將孫繼祖。擊斬。二十三級。備禦指揮金潮

死之。

戊戌。遣文武大臣禱雨。



己亥叙卻功甘肅巡撫都御史陳卿進兵部右侍郎總兵  
官楊信署都督同知

甲辰停陝西遣官市馬

戊申巡撫順天右僉都御史徐錦自引去

前南京禮部右侍郎崔銑卒銑字子鍾安陽人弘治乙丑進  
士選館授編修忤逆瑾調南吏部主事  
上初召之至今官

瑾誅還翰林秩滿進侍讀嘉靖初進南祭酒改少詹事兼侍  
讀學士未幾擢南部博學好古行履脩潔不妄取海內稱焉  
中廢居洹上十六年折衷群言廣授徒以師道自任學者稱

後渠先生贈尚書謚文敏

庚戌徐夢暘嗣興安伯

壬子司禮太監鮑忠錄囚

癸丑山東濟寧盜起

甲寅發帑金五萬賑遼東

固始孕婦產龍于淮水涯

六朔辰朔陝西右布政使喻茂堅為右副都御史撫治鄖陽

豁畿內營屯增課

丁巳定各路水利官毋他委



戊午琉球國中山王尚清來貢

欽天追光閣成

己未朶顏衛都督革蘭台自以捕功求增六百人入貢不

許勅諸邊戒嚴

免順天永平災傷田租

壬戌陝西行都司地震有聲

閉浙東礦場

甲子肅州衛地震

戊辰<sup>連東</sup>將趙國忠擊於太康堡敗之斬百十二級

己巳錦衣衛右都督陳寅都督僉事張奇上皇考聖母御

製事蹟

壬申大賑山西饑

癸酉南京刑部尚書周用右侍郎衛道張越大理寺卿董天

錫鴻臚寺卿胡森太僕寺卿李舜臣俱自陳致仕國子祭酒

鄒守益跡觸諱落職

甲戌河南右布政使龍大有為右副都御史巡撫大同

壬午總督漕運右副都御史周金為南京刑部尚書

大同天鼓鳴



七朔戌火毬如斗隕左軍都督府中門久之滅

丁亥華州同州地震如雷

南京前府食祿誠意伯劉瑜卒

丙申免濟南災傷田租仍賑之

丁酉治宣大失事諸臣總兵官白爵免

俺荅款大同塞求貢時俺荅阿不孩強盛屢入掠至是遣所

掠漢人石天爵言許市易漢達兩利近以貢道不通每歲入

掠適因人畜多災卜之神言入貢吉若許即歸報彼約束其

下令邊民墾田塞中夷衆牧塞外永不相犯否則徙帳北鄙

而縱精騎南掠撫臣史道以聞時待命邊外屢向哨卒詞進

止一日邀守墩百戶李實下墩席地飲酒載以馬擁入俺荅營

予宴常有執戍卒掠其衣糧者俺痛懲之遣夷使送哨卒衣

糧還巡按御史譚學復以聞請速定大計准貢則後虞當防

不准則近害三至且請多發兵糧遣知兵大臣調度廷議以

狻不許命添注兵部尚書樊繼祖兼右都御史總督宣大

兵部右侍郎任洛左副都御史張珩前推總督山西珩以鄉

鎮辭或譖之怯不受並劾免

癸卯免西安鳳翔鞏昌田租



丁未免開封田租。

台州山中豳與龍閣水大作壞臨海太平天台田廬已筭

八明寅朔江西道監察御史葉經劾嚴嵩汚首通賄宗室下所

司初交城王諸孫輔國將軍表相謀嗣封永壽王秉權庶子

惟憶與嫡長孫懷塢爭國嵩俱納賄為請勘夏言擬旨多右

經語嵩急歸誠於上不問

辛酉 昭聖恭安康惠慈壽皇太后張氏崩即日發喪諭禮

部曰 昭聖雖伯母朕母事之自十七年秋事不得不自防

愛以愛 宗社朕固不敢躬問詣安遇事必遣內侍詣問今喪

禮有定式奠祭內官代行朕生辰免賀

談遷曰 昭聖手授金符致躋九五之上恩莫厚焉稍隔

一膜終涉阻構觀 上所札諭雖宿天之痛猶有夙卻大

隧之咏誰為穎考叔以動之哉

壬戌頒遺詔

翰林院學士兼右春坊右諭德張治為南京吏部右侍郎

甲子俺荅阿不孩犯石嶺闕嚮太原吉囊入平 衛各數萬

騎命保定副總兵周徹守紫荆倒馬等關叅將任鳳領京兵

三千人 上聞 深入平定孟縣

令東官廳總兵趙卿



以二千人赴真保山西酌禦

起翟鵬右僉都御史總督直隸山西河南兼理糧餉右副都

御史胡守中為兵部右侍郎兼左副都御史總督薊遼

增密雲叅將一

起總兵官周尚文等

戊辰署太常寺事禮部左侍郎金贊仁秩滿詹其徒協律郎

陳自暹不為例

己巳二千騎入大同長安嶺

甲戌移營太原北道游擊將軍周宇戰於侯城村敗沒

越而南殺掠亡笑

乙亥安南莫登庸死或曰義子阮敬鵬之後莫文明告變亦

然孫福海主國事

丁丑上孝康靖肅莊慈哲懿翊天贊聖敬皇后尊謚

己卯廣西副總兵署都指揮使張經為都督僉事仍故任以

平程功

庚辰少師大學士夏言以跡對謬悞切責因乞休上怒落

職以少保武英殿致仕言復條上備一事宜下所司

辛巳太子太保兵部尚書兼右都御史毛伯溫署院趣之



癸未建山西總兵官魏慶及游擊周宇守備雷澤高宗泰邢  
勳李承祖劉珮去年秋失事追劾

驟至寧武閔石湖嶺山西副總兵丁璋戰沒

科都給事中邢如默等會推邊才舉及御史段汝勵等翟  
鑾姻黨被劾請徽州推官

九丙戌署通政司事禮部左侍郎陳經為戶部尚書提督倉場

督理西苑農事刑部左侍郎吳山為尚書四川左布政使柴

經為右副都御史提督操江

戊子朶顏衛都督革蘭台以不得請常萬壽節不入貢部論

讓之仍悔謝

山西自大同左衛出塞

庚寅工科給事中張思改翰林簡討避其兄通政忠

俺谷入平衛至朔州欲復犯山西命樊繼祖過之趙卿扼

寧武關

辛卯右僉都御史劉訥為左僉都御史大理寺右少卿梁尚德為右僉都御

史

壬辰工部左侍郎鄭紳為工部尚書

甲午行大享禮於玄極寶殿



乙未南京工部右侍郎葉相為刑部左侍郎右副都御史周  
煦為左副都御史起張景華右副都御史

大同壯士劉文明等糾衆斬一六十四級擒十人獲謀二十  
二人功出官軍上授所鎮撫山西雖慄悍善射以未習

多走山谷間值一即授命亡敵抗至是忿久合村落為闕

至平遙居民培白梃格一稍卻

總督樊繼祖累上捷科道劾其妄命科給事中龍遂御史

傳鎮樓之

朔國公郭勛有罪下獄勛怙寵驕恣初給事中李鳳來等劾

其私厚科斂事下左都御史王廷相等按之巡城御史車邦

祐覈勲戚私厚惟勛甚餘則英國公張溶惠安伯張綱外戚

指揮錢維垣夏勲方士段朝用等因叅勛怙勢斂怨命收其

私人孫灃等下鎮撫司勛踈辨先是清役卒釐奸弊給勛勅

非所便久不受至是被劾踈辨臣奸何事党何人何煩賜勅

上怒其抗責陳鏗王廷相不即對各引罪鏗奪俸廷相削籍

於是刑科都給事中高時盡暴其短云代張廷齡治冢工

怒下勳鎮撫司各御史童漢臣等攻之下所司密諭指揮孫

綱去刑具上意不欲死之也已都察院逮勳戚貂瑞四百



人諸司莫敢問員外郎錢德洪按以違勅等罪法當死上  
抵奏於地不報明日又奏又不報高時諷給事中周亮劾德  
洪律法不明併下詔獄已論勛者日數上勛論死而法司請  
錄妻子籍財產奪誥券上竟不報

談遷曰諺云小兒常病傷於飽貴臣常禍傷於寵郭勛因  
議禮稱旨私伺上之怒喜而竊之既威福自己出屢借  
條對飾其短而樹其權以貴溪之重相猶無常於心不敗  
何待然敗而人主猶思之何以服四凶於天下哉  
己亥太子太保南京戶部尚書劉天和改兵部尚書提督團

營軍務成國公朱希忠提督團營并五軍營

庚子署詹事府禮部尚書溫仁和致仕

癸卯作秋報大齋於朝天宮

免台州災傷田租

甲辰陝西淳化縣有大星沃東南聲如雷

辛亥，深入至石州

集議防邊

井陘關城設備兵副使

壬子山西提學副使胡松上禦，十二策懲尚玩脩障塞懷



携貳慎選授廣問謀嚴備禦核屯戍

兵

部尚書張瓚嫉其言請加松官即行之尋遷左叅政備三閔老奸之巧中人如此

工部右侍郎楊麒為左侍郎巡撫貴州右副都御史韓士英

為工部右侍郎南京太常寺卿屠楷為南京工部右侍郎

十月<sup>丑</sup>朔紀功科道官張翼翔張光祖劾總督樊繼祖等失事

責戴罪力戰

上念山西連被<sup>一</sup>詔復徭役二年發六萬金以戶部侍郎張

漢眼之

巡撫山西都御史陳講免

癸未吏部文選郎中林春卒春泰州人父漕卒獨與母妻織

屢讀書壬辰南省第一登進士授戶部主事調禮吏部主選

故事於厓岼鎖門謝客春長厚清苦日講學不輟年四十四

遺橐四金不能棺

馮時可曰公嘗有言天然之門盎然出之不作好醜不為

我偶不為人解何醇而粹乃爾考其為人居官抑何實其

言不爽也唐應德先生稱公行必愜乎人之所安故不為

崑崖嶄巖之行言必衡乎力之所抵故不為要眇浮瀾之



言知言哉。予又以公雖不嵬崖，斬截而宮廷且峻，不要眇浮瀾而津瀾自遠，庶幾可得公。

十一月癸未，朔南京兵部右侍郎王教卒。

戊子，閉薊州銀礦。

己丑，總督薊遼胡守中科罰橫欵，作來遠樓，并代塞上木檄，藩蔽令御史段承恩翁正倫勘之。守中復繪城濠樓櫓作屏。

三進工及

東宮請樓名切責之。

癸巳，南郊用烟火不合禮，除之。

免潼川廣安蓬劍遂寧蓬溪樂至安岳中江鹽亭富順內江。

西充儀隴渠威遠南充大竹災傷田租。

空運宣府十萬石，大同十五萬石，俱輸懷來倉發帑二十萬。

金脩築三閘。

增西安州游擊將軍領三千人，備援蘭靖莊浪。

丁酉，巡按河南監察御史陳蕙劾開封知府賈應春以蕙先後考劾互異，俱免官。

停清理鹽法都御史，并議餘鹽。筭開中有常股存積法，皆

輸邊而掣運於運司，其餘鹽則輸運司以鬻餘鹽行而存積

廢。上遂罷餘鹽。



庚子選翰林院庶吉士高儀董份陳陞林樹聲潘仲駿嚴訥  
徐養正高拱葉鏜吳三樂宮時中何雲鴈漕汴夏子開萬士  
和王言徐南金王顯忠蕭端蒙楊宗氣王三聘晁瑛何光裕  
陳以勤林茂和王應鍾梁紹儒裴字王材王文熊彥臣彭世  
爵張鐸 上手製題文曰原政詩曰讀大明律

癸卯南京吏科給事中王燁劾尚書張瓚嚴嵩侍郎吳守中  
俱結<sup>納</sup>郭勛瓚則分賄嵩則代營邸第守中則縱妻赴飲近又  
劾勛賣直乞斥之章下所司  
乙巳金星晝見三日

紀功給事中張翼翔監察御史張光祖以脩邊報緩削籍  
戊申罷冬至朝賀免慶成宴節錢

前南京中府都督同知楊宏卒宏西安左衛指揮使肅勇博  
覽初守備固原 入掠撫臣欲飾奏宏曰失事罪小欺君罪  
大累功至大將

改紫荊關守備為叅將

十 仁壬子朔增陝西關南道叅議於金州與漢中按察副使分

治

乙卯免山西田租有差

灾傷 患



進士齊準等九十五人依親許之

丁巳定巡按官不得奏捷與職方官不得以邊功并叙

巡撫大同右副都御史龍大有叙功及於閣部 上以邊功

歸閣部非制後叙及者叅劾

丁卯禱雪

戊辰臨清獲 諜一人下詔獄

輸粟二十五萬石於宣大平糶

乙亥增遼陽游擊將軍領三千人專援開原遼陽

丙子前翰林院侍講學士廖道南上顯親達考頌清比北八歲

平南九歌報聞

戊寅封縉烟肅世子融城襄城王宸瀟建安王勤權曲江王

睦梓邵陵王勤燁胙城王睦柯鄢陵王成鏊襄垣王觀熿鄒

平王

庚辰御史陳時為通政司右通政

禮科給事中章允賢劾總督薊遼兵部右侍郎胡守中奸利

已耻等事下守中獄論死

辛巳監察御史伊敏生鄭共陳策劾嚴嵩京邸乃郭勛代治

宜籍沒各降一級。



壬寅嘉靖二十一年。

正月午朔 上御殿受朝

鳳陽晝晦星見飛鳥歸巢

丙戌御馬監太監麥福奏勇士營多脫伍請補五千人兵部  
言願故五千三十人安得脫逃至此不許

戊子吏部尚書許讚以邊疆請發帑借俸括財鬻爵工以借  
俸括財非盛事也不允

裁餘監置印簿

己丑始許元夕奏事向元旦至元夕不奏事至是毛伯溫朝

見

庚寅巡撫雲南都御史汪文盛甫間命疾許以免  
辛卯雪群臣請賀優答之

丙申增戶部山東浙江陝西河南江西山西司主事各一  
丁酉前刑部尚書王時中卒時中黃縣人弘治庚戌進士  
庚子元夕 上幸幽風亭召朱希忠崔元夏言翟璠嚴嵩觀

燈

巡撫順天右副都御史徐嵩以胡守中同事削籍  
下各巡按御史覈邊工



壬寅吏部尚書許讚條選法諸弊團營兵部尚書劉天和條  
營務 上是之

乙巳吏部左侍郎兼翰林學士張潮教習庶吉士  
丁未夜木星犯左執法

庚戌召南京戶部右侍郎王暉於戶部山東左布政使侯綸  
為右副都御史整飭荊州邊備兼巡撫順天

二 胡子朔前太子少保南京吏部尚書吳一鵬卒一鵬字南夫  
長洲人弘治癸丑進士選館授編修以侍讀忤瑾調外已復  
官南刑部員外郎轉禮部郎中瑾誅仍侍講遷侍講學士出

為南祭酒轉太常寺卿仍南京嘉靖初拜禮右轉左尋掌詹  
事府進尚書予告器量寬然長者年八十三當時祭墓稿失  
載太子少保贈太子太保謚文端

劉鳳曰皇始作制禮由是興折衷群儒顯定義經將非秩  
宗是賴飾私闡弘者乎中興之始業由茲抗而諸臣折  
提音成未允所稱終斷自 睿明以克承 神靈執已者澄  
後先惟鵬豈張桂作議不能依和傳會藉以寵榮而顧拂  
違矯正有所自矜哉適有所合持不敢變雖折而從之曾  
莫之懲進退必由其道以亡虜股肱大臣之義其斯以為



有恒乎

庚申太子賓客吏部左侍郎兼翰林學士張邦奇署詹事府  
辛酉總督漕運右都御史王杲總理河道右副都御史郭持  
平奏睢州野雞岡原有支河通徐呂二洪比黃河衝截渦河  
南徙今可捍塞野雞岡通孫繼扈運李景運三口令水勢東  
行入於運河從之

丙寅太子賓客吏部左侍郎兼翰林院學士張潮署院

丁卯諭夏言疾愈免廷謝

己巳罷大同脩邊初兵部員外郎傅頤上議竟詘於力

庚午山西三關失事總督樊繼祖免巡撫陳講削籍總兵王  
陞白爵戴罪立功餘分別治罪

寇蘭州

辛未兵科給事中胡賓以通州倉積粟六百餘萬宜發糶  
上謂輸京轉糶非計不許

乙亥巡撫應天右副都御史夏邦謨為南京戶部右侍郎  
丙子召南京吏部右侍郎張治於吏部

丁丑南京刑部尚書周金改南京戶部尚書

戊寅靈邱王聰漏以絳州卑隘求徙平陽避警不許命拓之



作臨清外城

己卯冊淑妃張氏貞妃馮氏

定京軍脫班之罰

庚辰停邊將養廉田其塞下過自闢者聽

三月午整飭直隸山西河南軍餉右僉都御史翟鵬為兵部右

侍郎兼右僉都御史總督山西軍務

東官廳總兵官周尚文老營堡叅將段堂協守大同

丁亥承天督工尚書顧璘上所輯興都志賜金幣仍下禮部

刪定

還莫氏土目裴行儉等六人

乙未南京大理寺卿王學夔為吏部左侍郎太常寺卿署國

子監事許成名為南京吏部右侍郎

丙申大學士夏言一品九載復少師宴禮部

顧璘改南京刑部尚書撫治鄖陽右副都御史喻茂堅改總

理糧儲兼巡撫應天

辛丑武昌地震

廣南知府趙為陝西行太僕寺少卿初廣南隣交趾宋狄

青殺儂智高處儂遠孽至今為土酋未靖趙至諭儂仕獮下



之三署教子弟束髮讀書如內地凡四年得編戶四十八里  
七年還國初舊境得召用癸卯三月卒官

四朝亥朔總督採木右副都御史戴金為大理寺卿翰林院侍  
讀學士張袞為太常寺卿署國子監

壬子起閔楷南京兵部右侍郎浙江左布政使詹瀚為右副  
都御史撫治鄖陽

甲寅夜月犯金星

丙辰作南郊泰享殿撤大祀殿為之謂數歲來大享玄極寶  
殿非禮也

戊午秦王惟焯周王朝堀及諸宗多捐助太廟工勞之已

周府南陵王睦模捐祿三之一以常祿止之

己未巡按直隸監察御史黎循典請墾山東郟城費沂滕嶧

閑田招涿移給牛種從之

庚申西苑大高玄殿成

巡撫南贛右副都御史李顯為南京大理寺卿

辛酉增松江青浦縣

山東魚臺盜平

癸亥廣西道監察御史閔煦改翰林院編脩兵部右侍郎楷



癸酉大理寺 少卿虞守愚為右副都御史巡撫南贛汀漳

署詹事府事吏部左侍郎張邦奇為禮部尚書署詹事府

丙子賑順天永平

丁丑戶部尚書李如圭以翟鵬請益引百萬濟餉 上切責

之

署都察院毛伯溫申明憲綱八事禁酷刑慎舉劾革廢擾懲

勢豪省繁文明職守正士風備兩進造 上嘉納之

提督兩廣兵部右侍郎蔡經等討思恩九司叛苗悉平之

五朔已朔叙瓊州平賊功

乙酉午日宴百官午門外

太原地震有聲

給純德山守備都督僉事蔣華勅諭護營田土

壬辰賑延綏榆林

丁酉令太醫院藥貧民

武廟賢妃沈氏薨謚榮淑

戊戌 上先禱雨太素殿至是雨群臣表賀

庚子戒諭琉球國王尚清初漳州陳貴等販海與國爭利相

殺傷長史蔡廷美遂幽貴等沒其貲尚清械貴等七人赴京



也

丙午張元冲陳傑許天倫葛廷章齊文譽劉三畏劉養直李  
綸周怡伍尚綸為給事中張汝棟王國楨為南京給事中陳  
宗夔戴維師李天寵金城楊以誠鄭光浦裴紳賈大亨孫文  
錫劉惟禱皆如思齊宗道朱微項廷吉供為試監察御史韓  
一鳴孫喬任良彭危行為南京試監察御史

戊申存問前少保大學士毛紀時年八十

己酉工手檢方藥濟疫

閏五月辛亥甘肅巡撫兵部右侍郎陳卿失授蘭州落職

督木侍郎潘鑑為右都御史

定撫按舉劾初以毛伯溫言許六品以下徑問黜已吏科都

給事中沈良才奏府佐縣令不得擅

甲寅順天巡撫右副都御史侯綸請綸百里內按伏防兵

行餉以竊不許

乙卯湖廣邵陽盜平

辛酉濟南地震如雷

壬戌尚賢司卿詹榮為南京太僕寺少卿陝西左布政使底

蘊為右副都御史巡撫甘肅



丁卯固原隆德地震米脂大冰雹商州鎮安大水

戊辰復使石天爵款大同巡撫右副都御史龍大有誘執之并殺滿受禿滿容漢報功進兵部右侍郎兼右副都御史餘各陞賞礫天爵傳首九塞天爵語情詳甚云小王子九部駐青山好中國紵綺而入掠有得失不如貢也持符矢請貢市不妨再三否則大舉循黃河東下自大原向東南亡堡寨屯勅兵大同三関待戰而當事畏上威不以聞

楊守謙曰兵交使在其間况求貢子殺一天爵何武借曰不許亦當善其詞乃購斬之此何理也橫扼強胡塗炭百

萬至今無一人知其非者今之以貢為疑必曰宋以和議誤國不知此貢也非和也九夷八蠻皆許其貢何獨北而絕之

宣大總督翟鵬言必入寇右春坊右清紀郎周鈇言督臣傳入寇之期內而真保外而邊関皆當預畫近郊何輯遠村何收倒馬鴈門等関何備宣大薊遼何出屯何兵伏何地使戰守兵餉有餘乃為勝策上以浮亂謫廬州知事

庚午總督宣大侍郎翟鵬言三十萬且入寇急調陝西薊遼兵赴大同請益課上以漕奏負託奪鵬官罷總督不設



郭勛黨方士唐珠珊捕至成邊子貢士輔編管塞上  
清理兩淮淮安廬揚徐滁驛傳徵金

六月己未上手諭都察院列夏言罪狀布中外蓋欲科道糾之  
也而尚疑言之復用相顧莫敢發上罪夏言擅署慈慶宮  
為東宮府羅織郭勛獄私輿苑中違所賜香巾不服軍國重  
事徑自家裁之

丙戌前應天尹柴奇卒

丁亥安南都統使莫登庸卒訃聞

辛卯聞警調游兵防守三關進楊時都督僉事節制王容兵

仍勅薊州嚴備并京城戰守

一騎十餘萬自大同左衛入寇至朔州

庚子至馬邑

癸卯免西安鳳翔臨沔鞏昌田租

總理河道王以旂進兵部右侍郎

增東西官廳前後左右哨叅將徐府祁勳劉振茶塔

丙午陷沙溝墩

丁未犯太原大殺掠移營南犯平陽澤潞

贈羅田布衣萬福敦為清微神霄演法真人陶仲文師也善



符水能白晝招鶴年九十三子朴薦授太常官不受

七月酉朔日食

勒大學士夏言開住劫責之

御史喬佑等給事中沈良才等各始劾夏言 上以前日緘

默下部院考課於是喬佑錢應揚楊僕高時鐫一級調用何

允魁章燦白賁朱麓黎脩典焦璉李臻余燿龍遂改外

前南京禮部右侍郎呂柟卒柟字仲木高陵人正德戊辰進

士第一授翰林脩撰嘗言事忤逆瑾予告壬申補官上章勸

學復引疾去築東林書屋講學名聞朝鮮謂狀元呂柟主事

馬理為中國人才第一嘉靖初入朝屢言事謫判解州丁亥

轉南吏部考功郎中歷尚寶卿太常少卿國子祭酒至今官

俱南京孝友儉朴學先立志重躬行不為玄論年六十四贈

禮部尚書謚文簡

何喬遠曰懷慶

塘何安陽

魏崑山

校

高陵進賢

舒武城

王嘉

靖間稱篤行君子而高陵粹然矣溪田馬理曰呂先生之

學醇如許文正而著述惟盛貞如薛文清而知新則多

前南京刑部尚書周倫卒倫字伯明崑山人弘治己未進士

授新安令拜御史忤瑾罰粟已復官歷南北刑部 遷南



大理寺丞久之為大理寺少卿尋擢右僉都御史夏去補南  
院提督浙江尋轉右副都御史改南工部右侍郎俄改兵部  
轉左尋進南刑部尚書未上改北又移南致仕所至少官謗  
年八十贈太子少保謚康僖

庚戌官軍擊零於孝義之師同橋斬十三級始移營而北  
徵宣薊兵防蘆溝橋密雲總兵官祝雄分戍黃花等鎮

甲寅豐城侯李顯總兵鎮湖廣

乙卯仍命翟鵬總督宣大

丁巳復井陘兵備副使

勅翟鵬督兵候懸賞格嚴軍令遣科道官紀功

己巳周府臨汝王同銜薨

壬申設沙河城守備

八朔寅朔設延壽大齋於朝天宮三日

大同巡撫龍大有山西巡撫劉臬失事及叅政胡松並免宣  
所巡撫楚書保定巡撫劉隅延綏巡撫萬潮督餉李瀚並調  
任

庚辰起趙錦巡撫大同李珏巡撫山西山西叅政王儀陝  
西右布政使任維賢並為右僉都御史巡撫宣府延綏而維



賢見劾以河南左布政使張聽為右副都御史巡撫延綏  
辛巳禮部尚書嚴嵩條邊事 上嘉歎得人之論令廷臣亟  
察文武才名者以聞已蹕入命再酌議錄用  
徵各路忠勇之士復開餘鹽

壬午發十萬金賑山西殘者者仍免租三年罷催糧主事  
淮府崇安王祐幹薨

乙酉 敬皇后小祥 上始御西角門視事

丁亥萬壽節御殿受賀

戊子 四萬餘騎復寇朔州尋遁

癸巳進成國公朱希忠駙馬都尉崔元太保輔臣翟鑿少傅  
兼謹身殿大學士大宗伯嚴嵩兼武英殿大學士入閣仍署  
禮部免奏事承旨

己未吏科都給事中沈良才劾嵩貪污奸諂不宜玷命不聽  
己亥團營兵部尚書劉天和戶部尚書李如圭並被劾天和  
致仕如圭落職

廣西馬平諸徭作亂

壬寅 孝廉敬皇后主祔太廟

丙午周尚文為總兵官鎮守山西



九朔申朔大亨玄極寶殿

己酉許翟鵬分兵便宜行事改巡撫陝西兵部右侍郎趙廷瑞為戶部右侍郎兼右僉都御史總督糧餉

辛亥陽和衛百戶李錦通伏誅

甲寅脩顯陵稜恩殿舊邸龍飛殿命內官監太監黃錦同湖

廣巡撫右侍郎陸杰督工

兵部尚書張璠兼督團營

丙辰右副都御史丁汝夔巡撫保定兼提督紫荆關

南京戶部尚書周金秩滿進太子少保

增山西參將孫仁鍾繼楊崇高賜分守太原潞安平陽石隄

奇嵐

癸亥作祐國康民雷殿於太液池西命工部郎中趙愈和員

外郎朱文質為植虞衡司員外郎劉魁言泰享殿大高玄等

殿未竣又事雷殿無以寬民力請止之專事廟工上怒下

鎮撫獄杖而錮之魁泰和人貢士歷仕二十年所至植風節

片邪異時年五十餘矣

乙丑延綏總兵官任傑疾免

戊辰福建右布政使車純為右副都御史巡撫湖廣廣東左



叅政張岳為右僉都御史撫治鄖陽

己巳總督漕運右都御史王杲為戶部尚書

庚午總河右副都御史王以旂言運河仰藉山東諸泉今濬  
舊泉百七十有六新泉三十有一各隨入濟運第疎濬不繼  
尋就堙塞即設有泉官恐源多獨力難徧宜分責守臣兼其  
事從之

十月丑朔頒曆朔監生喧爭太常寺卿署國子祭酒張袞降南京

太僕寺少卿

免泉州水災田租

庚子南京吏部尚書聞淵改刑部尚書南京刑部右侍郎文  
明為工部右侍郎起王道國子監祭酒

壬寅四川建昌衛有大星如輪自北涿南而沒有聲地如震

乙巳少保兼太子太保兵部尚書張瓚卒瓚滄州人弘治乙

丑進士授吏科給事中歷本兵十年貪庸專結中貴纖悉必  
知得預構彈章亡慮數十終懋留又加恤焉嘗賜飛魚服而  
瓚他衣冠奇麗上意其蟒中貴即傳瓚自白乃解酬中貴  
八千金餘多類此贈太傅謚恭襄

威州地震



國子司業王同祖請改元延壽削籍

十月丁未朔遣成國公朱希忠等告謝天地宗廟社稷嚴嵩請  
詔告天下大宮闈秘密而悉揚之非盛世事也

辛亥工科給事中林廷璽覈功連東巡撫孫禴報斬二百  
餘級巡按御史胡良輔言建夷入鳳凰城殺守備李漢指揮  
佟恩等部覆建夷非三衛比自討平董山以來五十六年宴  
如也何猖獗至此故遣廷璽往

甲寅交城縣天鼓鳴

乙卯總理南京糧儲右副都御史李中卒中吉水人正德甲

戌進士性好學居官亦有稱天啟初謚莊介

丙辰命安南夷目莫福海襲都統使勅曰朕惟帝王以天下

為家一視同仁亡間遐邇爾安南遠處南服世脩職貢近年

朝貢不至實惟爾祖登庸之罪已命官往討乃能悔罪改過

恭上降表備陳私相授受之非願獻土地人民聽朝廷處分

朕仰體上帝好生之德俯順下民欲逸之情一切赦之實為

爾類永利也爾係嫡孫能備陳爾祖納款之誠屬續之言善

承祖志特命襲職稱朝廷懷柔之意命禮部主事吳應奎中

書舍人李傳往使福海隨遣宣撫同知阮敬典僉事阮公儀



等入謝貢金爐瓶四金花一銀鶴銀臺各一銀爐瓶二銀盤  
十二沉香六十斤連香百四十斤降真香三十枚犀角二十  
象牙三十表曰臣祖莫登庸早由世廕偶值時艱撫藩民沐  
離乖亂之餘保全有幸祖蠶俗傳襲因循之內專擅是虞曠  
年久阻於比從一旦俄聞於震怒南闕待罪恐無地之可容  
北闕馳忱賴有天之能白雷霆為霖雨露旒旆霑恩冀  
遂由衷之願諄勤遺囑不忘事主之誠并云初漸凜等四  
峒民久不忘漢歲時舉正朔告先人服漢衣冠出峒始易之  
屢結邊民訴督府求復輒杖死至是得歸

丁巳西安鳳翔固原地震

癸亥署太醫院工部尚書許紳進太子太保禮部尚書以藥  
餌保聖功

乙丑鮑道明厲汝進胡叔廉李念為給事中洪廷貴楊九澤  
林應艾其朴喻時項問劉廷儀李和芳高節為試監察御史  
前兵部左侍郎黎興卒

壬申改毛伯溫兵部尚書仍兼團營

十  
丁丑前南京工部尚書陳雍卒雍餘姪人成化庚辰進士  
授工部主事累進合官致仕年九十 贈



己卯南京兵部尚書熊汝政兵部尚書兼右都御史署院  
廣賊蔡子顯涿劫贛縣

戊子增河南武涉縣守備  
己丑甘肅鎮夷所天鼓鳴

辛卯巡撫河南右僉都御史魏有本改提督南京糧儲

司經局洗馬兼翰林侍讀徐階為國子祭酒

吏科給事中周怡言邊報方殷近日相臣之意氣何如各邊  
總督戶兵二部之作用何如督撫更易經數月迄不聞建一  
議畫一策為久遠計恐機會日失年復一年深為可憂 上

嘉納之

沙河城守備署都督僉事藥榮劾免命豐潤伯曹松守備

壬辰留考察調用官赴部候補

癸巳太子賓客吏部左侍郎張潮為禮部尚書署詹事府仍  
教習庶吉士

丙申脩太醫院三皇廟祀伏羲神農黃帝及配食三十四人  
太宰蘧豆簋簋專仲春仲冬上甲日著為令

丁酉兵部左侍郎費宗改禮部左侍郎兼翰林學士署院  
起王堯封南京兵部尚書徐問南京禮部右侍郎張珩為右



副都御史巡撫寧夏河南按察使李宗樞為右僉都御史巡撫河南趙時春載張珩巡撫延綏軍新亂復出饑躬茹蔬糲一老妻衣布供炊飲公私所有以飽士、視公癯咸勸加食至相對涿泮軍遂安勅塞上墾田

庚子封融燒通渭王祐梯廬江王俊榭懷仁王厚燭高唐王厚燭吉安王厚燦廣信王英坎通山王觀煒滋陽王勒煇彰德王勒煌富陽王考濶唐年王厚燭南樂王兵部職方主事劉鳳池劉燾往宣大贊畫總督翟鵬薦

癸卯發三十三萬金備宣大芻粟命戶部條餽餉屯田鹽法并計歲用以聞

貴州銅仁苗叛陷石阡府執推官鄧本中

癸卯嘉靖二十二年

正月丙朔日食 工御殿免賀

己酉右副都御史萬潮卒潮進賢人正德辛未進士授寧國推官擢禮部主事諫南巡廷杖削籍 工召用歷令官以文學政事名

辛亥戶部左侍郎張漢改兵部左侍郎總理河道工部右侍郎



卽郭持平改南京刑部右侍郎

改給山西三閩叅將勅

癸丑市馬山西分給太原石隰平陽潞安四營

甲寅詔各撫按以屬吏考課殿最送吏部備大計永為令

錦衣衛都指揮僉事孫堪為前府僉書署都督僉事

丁巳起周用工部尚書總理河道戶部右侍郎王暉為左侍

郎巡撫江西右副都御史汪玄錫為戶部右侍郎

戊午夜月犯鬼宿積屍

己未卽中林廷琛等主事周卿等御史蔡毅等俱元旦失朝

謫外

辛酉貴州銅仁苗作亂沅劫湖廣麻陽時苗首就撫麻陽知

縣朱崇方道辰溪縛苗人致變

陳士元曰麻陽之役大臣開府於沅歲久而後事寧蓋亦

勤矣聞群蠻初起慮戍卒譙呵啖以利或以所掠為謝久

之益狎乃結諸奸豪令先事為鄉道稍蝨食民之藏積當

事者慮激變因幸一切與之撫以苟目前於是群蠻有所

恃益驕恣不逞此其釁實華人階之非盡蠻奸悍也今蠻

徼雖安永言往事非後來炯鑑哉



密雲叅將改副總兵。

甲子改派淮鹽課三十四萬餘金給宣大鹽引九十萬有奇  
丙寅議防邊

丁卯嚴覈山東西真保等路兵備兵巡及有司治狀蓋，患  
備內

戊辰祈穀玄極寶殿光祿寺少卿陳叔願等十四人不陪祭  
謫外糾儀御史來聘鄭光溥失糾廷杖謫聘丹稜知縣溥澄  
城知縣

撫治鄖陽右僉都御史張岳改巡撫江西

壬午<sup>山西</sup>交城縣地震

癸未改沙河城曰鞏華

甲申免耕籍田

起馬理南京光祿寺卿

辛卯設諸陵祔享妃位紙牌祭訖焚之

狼入平涼

壬辰遼東總兵官李鳴鳳劾免

黔國公沐朝輔訴有司更制侵職甚及庄田家事

上申舊

制毋軼



仁丙申七陵工竣遣祭。

賜故寧夏總兵官姜漢祠曰憫忠。

署都督僉事卻永總兵官鎮守宣府趙忠總兵官鎮守遼東

已亥妖人段朝用論死朝用假丹術干郭鄖見上授紫府

宣忠高士已改羽林衛千戶改紫府宣忠散人乘勛獄脅其

奴十萬金行賄不應掠繫之死惧敗奏奴行刺而斃人署街

羽林衛千戶衛上怒下鎮撫司議沒其妻子財產竟瘦死

庚子巡撫甘肅右副都御史底蘊卒

壬寅賜嚴嵩銀章曰忠勤敏達以識密奏

改保定分守總兵為鎮守增龍泉故關叅將

潞安星隕聲如雷

三月己朔太原地震有聲經旬

庚戌起樊繼祖工部尚書兼右副都御史採木湖廣其四川

專於潘鑑

癸丑兵部舉堪大將咸寧侯仇鸞前署都督同知何卿前署

都督僉事沈希儀鄭卿霍璽提督操江伏羌伯毛漢前署都

指揮僉事尤聚請徵之報可毛漢仍操江

乙卯起萬鏜右副都御史勘湖貴夷情開府辰州



辛酉南京兵部尚書王克封勒免

癸亥咸寧侯仇鸞僉書左府

甲子定御史試職一年實授時右副都御史周煦等以試御史喻時等請蓋僅四月非制也切責之

戶部奏宣大三閔自去秋九月至今已輸客兵銀百七十四萬金有奇王兵粟二十五萬石乞邊臣挫敵毋藉口餉匱

上然之

乙丑南京吏部尚書張邦奇改南京兵部尚書

戊辰諭兵部召莊浪前都督魯綱兵赴總督所

辛未延綏督糧僉事王訥言以苛覈游兵芻餉致譁事聞削籍

癸酉毀禁城北大慈恩寺驅番僧

先是內官監太監高忠嘗譴繫掖庭獄雖釋俄宮變上疑

甚及忠以大享殿定礮間改定頂上以欺罔即定礮何諱

也命法司論斬數日刑部請下之獄宥之自是文牒仍定礮

徐學謨曰自古臨文不諱嘉靖末凡奏上冊牘即點畫間

尤多避忌此或群臣諂事之過而上未必屑計較也

甲戌召巡撫遼東右僉都御史孫禮治餉即中張天麟以相



忤妨邊計也

鎮守兩廣少保兼太子太傅安遠侯柳珣卒

宣府總兵卻永出塞襲李家莊，雖數百屬朵顏部不通諸

大營校而善射不為大營困至是斬四十餘級

四胡寅寧夏副總兵陶希高以報工失實戍原衛

已邗南京工部尚書宋景改南京吏部湖廣左布政使顧遂

為右副都御史巡撫遼山東兼督理軍務

命總督陝西楊守禮調游兵赴宣大

庚辰山東監道察御史戴維師擅營兵馬指揮鄭思賢金夏損

其牙牌被訐謫維師江西布政司都事亡何吏部調思賢夏

州同知蓋畏工嚴明莫敢魚肉之也

福興泉漳地震

禮部尚書張璧至自南京大學士嚴嵩解部事

癸未給事中林廷璽報命罷建州用兵止懸賞購叛酋那磔

甲申山西按察副使陳耀僉事趙瀛前坐失事降耀萊州同

知瀛鄖陽通判

乙酉南京太僕寺少卿唐榮為右僉都御史巡撫甘肅

嚴撫按薦舉及境內人才之禁吏科給事中周怡言湖廣巡



撫陸杰薦官吏又考察閑任廖道南預焉宜重其事從之置杰不問

丙戌雷震洪應殿成

丁亥<sup>遠東</sup>鉄嶺衛火

乙未安南入貢戒其宴賜以降都統司不得列陪臣也

己亥固原陽霜殺麥

庚子前戶部右侍郎兼左僉都御史張璉卒璉耀州人弘治

壬戌進士授行人拜御史不畏強禦居官累有聲

辛丑錄九經性理大全藏皇史宬

五丙午 上禱雨內殿至是大雨廷臣表賀

定湖廣所部清浪鎮遠五開平溪偏橋五衛軍生寄學貴州

者鄉試貴州

署太常事禮部左侍郎金贊仁其徒太常寺丞陳自暹婪剝

侵官帑又娶婦私墮地下獄贊仁削籍自暹永戌

壬子南京右副都御史胡訓為南京工部尚書

丁巳陝西廊耀大水雹如雞卵

壬戌兵部右侍郎王以旂為南京右都御史

癸亥巡按湖廣監察御史史褒善以承天太監傅霖訐其笏



吹震 陵寢謫滁州判官

甲子土星逆入氏宿三十七日

丙寅增三閔墩臺

戊辰巡撫順天右副都御史侯綸為兵部右侍郎

前大理寺卿汪文盛卒文盛棗陽人正德辛未進士自饒州

推官歷任兵部員外郎阻南巡杖謫才具敏贍功名自喜其

撫雲南招撫莫氏方略亦足稱也

千戶火力亦襲至豐州灘北值牧斬二十三級奪械

馬若干將入塞追及頗失去上嘉其功勞金幣

六月亥初江西宗室朝賀俱弋陽王邸中至是建安王宸瀟請

歲時自邸行禮不許戒諭宗室務遵祖訓

丙子南京大理寺右寺丞許論為右僉都御史整飭薊州邊

備兼巡撫順天

南京翰林院侍讀黃佐為右春坊右諭德兼脩撰同禮部左

侍郎費宋纂脩玉牒

辛巳署太醫院事太子太保禮部尚書許紳卒贈少保謚恭

儔

平江伯陳圭為總兵官鎮守廣西署都督僉事王縉為總兵



官鎮守陝西

壬午免鳳陽水災田租

癸未裁冗官以添注者填補

甲申分巡濟南道兼兵備

存問大學士賈詠年八十復少保

乙酉大駐牧河套初歲四月出套東渡

戊子命兵科給事中楊上林河南道御史沈越覈京衛京營

官匠冗濫

奏革外戚指揮使等七十一人諸衛指揮使等三千六百五十人

已丑肅府金壇王真洵奪歲祿以外戚張瑞論死劫出之

庚寅顯陵工竣召工部右侍郎陸杰

甲午占城國王沙日底齋來貢

丁酉安南莫福海遣宣撫同知阮敬典上表謝賜文綺

辛丑禁士民冠服詭異

壬寅吏部尚書許讚以翟鑿私禮部主事張惟一求銓部嚴

嵩私監生錢可教求東陽令并所託文選郎中王與齡書上

之乞省戒二輔鑿等各引罪自理嵩直諫書非臣出。上乃

青讚果清絕亦不必訐奏王與齡脇持之耳與齡削籍謫員

外郎吳伯亨主事李天魁周鈇下可教鎮撫司吏科給事中



周怡疎大臣互爭不能率下責對狀杖之下獄與齡辭朝還  
邸舍遺鄰人瓶盜徑上馬去常事不能中也

談遷曰靈寶處統均之地既能持正勢可自繇一切干預  
可絕也必橋指閣臣以為名如國體何不可則止右大臣  
之道其後濡忍於朝獨不欲留面耶

七 明辰朔分遣樂舞生祭帝王先聖陵墓

禁尼僧

寧夏地震

丙午金星晝見

己酉翰林院侍讀華察右春坊春中允兼脩撰閔如霖主試

應天

癸丑久旱

上禱雲壇是日大雨遂示群臣感雨詩

甲寅武靖伯趙世爵卒

辛酉海西夷人都指揮僉事王中為都督僉事

壬戌調南京國子祭酒龔用卿

免鞏昌蘭靖伏羌會寧旱災田租

戊辰萬壽節建醮朝天宮七日白鶴四十舞於空  
英國公張

前禮部尚書溫仁和卒仁和華陽人弘治壬戌進士館選授



編脩忤瑾改戶部主事後復官擢侍讀至今官素醇謹上  
欲大用之忤時宰去進退不失軌贈太子太保謚文恪

壬申許實授中書舍人陸煒應鄉試錦衣都督炳之弟

八月亥臨清新城成巡撫右僉都御史曾銑進右副都御史

丙子泰安知州馬逢伯獻瑞麥佳禾西苑獻瑞穀

丁丑復孫禴巡撫遼東

己卯左春坊左中允兼脩撰秦鳴夏左贊善兼脩撰浦應麒

主試順天

壬午萬壽節上拜天玄極寶殿不賀

己丑初顧遂巡撫遼東代孫禴不即任降山東布政司左叅  
政

辛卯右春坊右諭德兼翰林院脩撰黃佐為南京國子祭酒

甲午薦瑞麥嘉禾於玄極寶殿

丁酉福建按察僉事侯廷訓婪苛削籍

戊戌審決刑部主事戴楨吳元璧呂顯審決兩畿江南北以

牒往失對外號蓋故事刑部編決囚外號印給各郡至遣官

領牒對內號簿而行至是楨等失驗為故遂與外籍異同被

劾謫楨順德元璧揚州顯河南俱通判



犯延綏深入至綏德游擊張鵬拒走之總兵吳英等追至塞外適東路叅將周文夾擊敗之斬百餘級

建州那噶入犯敗之

辛丑夜不見北斗昧爽四星見北方子位餘三星漸地出見

玄枵

九月戌免安吉烏程水災田租

辛亥南京大理寺卿李顯曠歲不至削籍

戊午免應天廣德建陽水災田租

御馬監太監孫銘以故太監周紳從子千戶天祿蒼頭周太

乙求指揮等官不許詔武職非軍功乞陞者重罪之

上覽山東程錄第五策北內侵禦應失策爵賞冗濫征求

四出財竭民困為言下禮部叅議尚書張璧等言今歲下懼

於天威乃不歸上功而以飽下為詞宜罪嚴嵩以首義繼

體之君德非令主尤謗訕於是監臨巡按御史上虞業經提

調布政使陳儒叅政張臬監試副使談愷潘恩等考官教授

周鏞李弘教諭劉燁陶侃悅胡希言程南吳詔紹曾紹葉震亨胡

僑俱逮獄經廷杖八十削籍道卒經嘗劾嚴嵩也陳儒請宜

君典史



徐學謨曰葉經嘗論嵩奸貪至是乘機下石不然各省試  
刻文俱屬御史考官不與 上何從而知之也又論語義原  
倩江南一名士為之欲以釣奇而卒以賈禍亦可悲矣  
林之盛曰葉經於試錄中刺論時事人謂其無補於用適  
以殺身不知諫有五術譎居其一曰者 上閱順天錄有  
感於權不下移語嘉納之則此亦納約自贖之說也

庚申總理應天糧儲右都御史喻茂堅為南京大理寺卿  
移遠東金州兵備僉事於開原  
壬戌榆林衛降人白世拳斬一級來歸授百戶

戊辰巡撫保定右副都御史丁汝夔改總理糧儲巡撫應天  
諭停刑

辛未前南京右都御史何塘卒塘懷慶人弘治壬戌進士選  
館授編脩歷脩撰忤瑾去後復官出開州同知遷東昌嘉靖  
初拜山西提學副使至今官孝友峻潔志慕古人澹泊自守  
隆慶初贈禮部尚書謚文定

十月申朔議廟制一奉 睿廟統於都宮拓舊之門街一奉  
睿廟近內廟與都宮統一命再議請 孝 睿二宗並一廟  
為昭 上問題願稱昭第一第二第三穆亦如之 上以率



泥舊文世序未見考沂寢之

秦安縣地震

乙亥應天府尹吳瀚為右副都御史巡撫保定兼提督紫荆等關

戊寅撤宣大防秋兵

己卯作大享神御殿

甘肅天鳴鼓

工部增營繕司員外郎中二人治琢瑋

進總督陝西楊守禮太子少保巡撫延綏張聰兵部右侍郎

總兵官吳英都督同知守禮好武任氣每防秋親陞塞垣夜

間視不得盜塞益募降胡梟騎襲取近塞帳遣死士任勇

等數人以舟渡套絕河潛行胡中至偏關而還獲甲首三亡一

人薦勇於朝然亦好飲或方之李布

庚辰免真定水災田租

辛巳覈京榜竄籍貢士餘姚錢仲實慈谿張和為禮科給事

中陳棐所劾又陸光祚毛廷魁陳策隨任得免其鄭夢綱陶

大壯沈譜丁子載陸可承翟鍾玉俱奪貢士還籍

癸巳釋安南偵者杜文莊嘉靖十六年下廣東按察司獄



甲午 上偶疾廷臣上起居

免開封水災田租

丙申吏部考功郎中胡鯨稽勲郎中李愷劾免命於各部訪  
舉調補

前南京右副都御史趙載卒載垣曲人正德辛未進士嘗撫  
甘肅易荒裔為雄鎮人甚賴之

丁酉庶吉士董份潘仲駿高拱陳陞嚴訥高儀為編修王才  
熊彥臣裴宇陳以勤梁紹儒晁琛為檢討

己亥左春坊左庶子兼翰林院侍讀童承叙卒承叙字古疇

馮陽人弘治己未進士授戶部主事歷郎中出守兗州忤魯

藩逮下獄調桂林嘉靖初進士選館壬午授編修壬辰謫司

業己進今官壬辰予告

孫顏三衛夷寇墓田谷殺守備陳舜副總兵王繼祖擊斬三十餘級

十一月寅翰林院庶吉士呂時中徐養正葉堂王交何光裕何

雲鴈楊宗氣為給事中王三聘王言蕭端蒙張鐸徐南金王

應鍾曹汴為 監察御史

癸卯監察御史王德溫舉劾泛濫謫松江推官

丙午禮部右侍郎兼翰林院侍講學士馬汝驥卒汝驥字伊



房綏德人正德乙丑進士館選授編脩阻南巡廷杖謫澤州  
工初復官歷南京祭酒<sup>工</sup>文詞明習典故沉毅有大節贈尚  
書謚文簡

丁未宣大事寧召總兵官張鳳督餉侍郎趙廷瑞等入朝翟  
鵬解督山東河南軍務

庚戌召南京吏部右侍郎許成名於禮部

癸丑同州地震

甲寅兵部職方郎中楊博為山東提學副使

壬戌復太廟舊制前為太廟後為寢又後為祧時祫祭享奉

太祖南向各廟同堂而序

睿廟與焉禮畢奉主各歸寢

貴州監臨官巡按御史魏洪冕削籍蓋試錄舛刺也布政使

侯緘降雲南副使布政司叅議翁學淵降真定通判按察副

使王積降兩浙運副僉事施昱降茶陵州同知教授楊伯元

等降監課司大使

甲子太監高忠工部尚書甘為霖提督太廟工

十二月壬申增北樓口游擊應州南路叅將

甲戌祈雪於雷霆洪應殿

採木事竣進工部尚書樊繼祖太子少保右都御史潘鑑工



部尚書還里需次裁金為右副都御史仍署大理寺餘賜金幣有差

乙亥勘處湖貴夷情右副都御史萬鏜言苗首龍求兒等雖就撫其党龍朗七等深劫如故宜兵之工命酌機勦撫

丙子國子司業江汝璧為左春坊左庶子兼翰林院脩撰纂脩玉牒

庚辰吏部推河間通判周鈇為南京吏部主事上以鈇謫任未四月何驟也責尚書許讚對狀引罪奪俸二月文選郎中鄭曉謫和州同知其已遷官陳叔願周卿吳會期陳冠林

廷琛費完李大楫王言天然楊祐劉昭文蔡震咎如思洪廷桂李大魁高佐皆速化進削籍

辛巳永順保請土兵進攻蜡爾山苗明年三月斬獲七百七十有奇俘賊三百有奇

乙酉免蘓松常鎮水災田租

陝西獲謀張尚仁等五人詔斬以殉

丙戌毛憐衛降夷十三人安置兩廣

丁亥夜木星犯房北第一星

湖廣總兵新寧伯譚綸坐贓罪下法司



己丑復去輔夏言舊銜致仕

巡撫寧夏右副都御史張珩為兵部右侍郎兼右僉都御史  
總督陝西三邊軍務西陲債帥日進士燿珩至教民自為戰

庚寅順天治中嚴世蕃改尚寶司少卿嵩之子

辛卯雪百官表賀

禁朝覲官徧謁大臣以河南道御史吳悌言之

壬辰劉恂李槃甄成德孟廷相羅崇奎游震得查秉彝劉學  
易王尅日張秉壺萬虞愷為給事中監濟卿劉存德黃如桂  
張坪黃洪毗盛唐金志袁鳳鳴張雨谷嶠繆文龍張詔毛孔

剛為試監察御史成德震得虞愷文龍志詔孔剛並南京  
點武學冒籍者

甲午封典橫伊王載圭東昌王致楨肅寧王罷游長陽王厚  
堯洛川王

乙未陝西右布政李士鵬為右副都御史巡撫寧夏

丙申旌石州孝子貢士張鈞辛丑難鈞馳騎求父中涿矢  
至則父死哀毀三日卒同時烈婦白氏等十三人









389